


廣平府志

ル 5
1572
12



門 八 呂 5 5
1572
12



重修廣平府志卷三十一

前事略 兵紀上

周

定王十有三年 宣公十五年 六月癸卯晉荀林父敗赤狄於

曲梁 春秋左傳

十有四年 宣公十六年 春王正月晉人滅赤狄甲氏及留吁

春秋

案左傳杜注甲氏赤狄別種通鑑輯覽中至今廣平

府雞澤縣境

靈王二年 襄公三年 六月公會單子晉侯宋公衛侯鄭伯莒

子邾子齊世子光己未同盟於雞澤陳公袁僑如會

戊寅叔孫豹及諸侯之大夫及陳袁僑盟春秋

晉侯之弟揚干亂行於曲梁魏絳戮其僕晉侯怒謂

羊舌赤曰合諸侯以為榮也揚干為戮辱如之必

殺魏絳無失也對曰絳無貳志事君不逃難有

逃刑其將來辭何辱命焉言終魏絳至授僕人書將

伏劍士魴張老止之左傳

敬王六年昭公二十有八年春公如晉次於乾侯春秋

案經昭公二十九年公至自乾侯居於鄆齊侯使高

張來唁公公以齊卑君復如晉次於乾侯三十年三

十一年皆書公在乾侯三十二年書公在乾侯取闕

十二月公薨於乾侯是乾侯之地魯侯寓此五年也

先是晉定公將以師納之范鞅請召季孫而使私焉

於是意如遂會荀躒於適歷從荀躒如乾侯荀躒以

晉侯之命唁魯侯且請入魯侯卒不肯見意如荀躒

退謂意如曰君怒未怠子姑歸祭於是魯公乃卒於

乾侯矣左傳杜注在魏郡斥邱縣通鑑輯覽云今直

隸廣平府成安縣有斥邱故城春秋晉許侯邑

十有九年定公九年秋齊侯衛侯次於五氏春秋

案杜注晉地蓋晉大夫邯鄲午之私邑今直隸廣平

府邯鄲縣西有五氏城亦曰寒氏城不詳伐者諱伐盟主以次告也

二十有三年定公十三年晉趙稷涉賓以邯鄲叛上軍司馬

籍秦圍邯鄲左傳

晉趙鞅謂邯鄲午曰歸我衛貢五百家吾舍諸晉陽午許諾歸告其父兄皆曰不可趙孟怒召午而囚諸晉陽使其從者說劍以入涉賓不可乃使告邯鄲人曰吾私有討於午也二三子唯所欲立遂殺午趙稷涉賓以邯鄲叛夏六月上軍司馬籍秦圍邯鄲邯鄲午荀寅之甥也荀寅范吉射之姻也而相與睦故不

與圍邯鄲同上

二十有六年哀公元年夏四月齊侯衛侯救邯鄲圍五鹿秋

齊侯衛侯會於乾侯救范氏也同上

二十有八年哀公三年冬十月晉趙鞅圍朝歌荀寅犯師而

出奔邯鄲同上

二十有九年哀公四年秋九月晉趙鞅圍邯鄲冬十一月邯

鄲降荀寅奔鮮虞趙稷奔臨同上

安王十有六年趙敬侯始都邯鄲武公子邕作亂奔魏

與魏襲邯鄲不克史記世家參資治通鑑

梁惠成王八年案是年為周顯王五年伐邯鄲取肥取列人竹書紀年

顯王十有五年魏惠王伐趙圍邯鄲資治通鑑 史記 作成侯二十一年

十有六年十月邯鄲降魏同上 史記作成侯二十一年 魏惠王拔我邯鄲

十有八年魏人歸趙邯鄲與趙盟漳水上同上

二十有二年趙公子范襲邯鄲不勝而死同上 史記 作肅侯三年

赧王五十七年正月秦王陵攻邯鄲少利以王齧代之同上

同上

五十八年魏公子無忌救趙大破秦軍於邯鄲下王齧

解圍走同上

趙平原君之夫人公子無忌之姊也及秦圍趙平原

君使者冠蓋相屬於魏讓公子曰勝所以自附於婚

姻者以公子之高義能急人之困也今邯鄲旦暮降

秦而魏救不至縱公子輕勝棄之獨不憐公子姊耶

公子患之數請魏王敕晉鄙令救趙王不聽公子乃

屬賓客約車騎百餘乘欲赴鬪以死於趙過夷門見

侯生用其計使王所幸如姬竊兵符偕力士朱亥至

鄴奪晉鄙軍下令軍中曰父子俱在軍中者父歸兄

弟俱在軍中者兄歸獨子無兄弟者歸養得選兵八

萬人將之而進王齧久圍邯鄲不拔諸侯來救戰數

不利公子無忌大破秦師於邯鄲下王齧解邯鄲圍

走鄭安平為趙所困將二萬人降趙公子無忌既存

趙不敢歸趙王以鄣爲公子湯沐邑魏亦復以信陵
奉公子同上

秦

始皇十八年大興兵攻趙端和圍邯鄲城秦本紀

十九年王翦擊趙軍大破之遂克邯鄲虜趙王遷秦王

如邯鄲故與母家有仇怨者皆殺之資治通鑑

二世元年楚將武臣至邯鄲自立爲趙王史記秦楚之際月表

二年趙李良襲邯鄲殺趙王武臣張耳陳餘出走資治通鑑

趙李良已定常山還報趙王趙王復使良略太原秦
兵塞井陘未能前秦將詐爲二世書以招良良得書

未信還之邯鄲益請兵未至道逢趙王姊出飲良望
見以爲王伏謁道旁王姊醉不知其將使騎謝李良
良素貴起慙其從官有一人曰天下畔秦能者先立
且趙王素出將軍下今女兒乃不爲將軍下車請追
殺之良已得秦書固欲反趙因此怒遣人追殺王姊
將其兵襲邯鄲邯鄲不知竟殺武臣邵騷趙人多爲
張耳陳餘耳目者以故二人獨得脫同上

章邯已破項梁乃渡河北擊趙大破之引兵至邯鄲皆
徙其民河內夷其城郭張耳與趙王歇走入鉅鹿城同上

漢

高祖初靳歙破趙軍得其將司馬二人侯四人降吏卒

二千四百人從降下邯鄲

漢書列傳

高祖十年九月代相陳豨反帝自東擊之至邯鄲

資治通鑑

豨自立為代王劫略趙代上自東擊之至邯鄲喜曰

豨不據邯鄲而阻漳水吾知其無能為矣令周昌選

趙壯士可令將者白見四人上封各千戶以為將左

右諫曰從入蜀漢伐楚賞未徧行今封此何功上曰

非汝所知陳豨反趙代地皆豨有吾以羽檄徵天下

兵未有至者今計惟獨邯鄲中兵耳吾何愛四千戶

不以慰趙子弟皆曰善

同上

景帝三年趙王遂反上遣曲周侯酈寄擊趙趙王引兵

還邯鄲城守酈寄攻之七月不能下樂布破齊還并兵

引水灌趙城城壞王遂自殺

同上

淮陽王更始元年光武持節北渡河進至邯鄲故趙繆

王子林以下者王郎為成帝子子與與趙國大豪李育

張參等入邯鄲立郎為天子徇下幽冀移檄州郡於是

趙國以北遼東以西皆從風而靡

後漢書本紀參列傳

更始二年光武移檄邊部共擊邯鄲

同上

耿弇自薊中之亂與大司馬相失北走昌平說其父

况請擊邯鄲况遣寇恂約漁陽軍合定鉅鹿清河凡

二十二縣耿純說秀進攻邯鄲屯其郭北門連戰破之遂拔邯鄲王郎亡走王霸追斬之同上

後漢

光武帝建武初帝擊銅馬賊吳漢將突騎來會清陽後漢

書列傳

建武二年檀鄉賊寇魏郡清河遣吳漢等擊破之資治通鑑

刁子都為其部曲所殺餘黨與諸賊會檀鄉號檀鄉

賊寇魏郡清河帝遣吳漢率王梁等九將軍擊檀鄉

於鄴東漳水上大破之十餘萬眾皆降又使梁與大

將軍杜茂將兵安輯魏郡清河同上

二年叔壽擊五校賊於曲梁戰歿杜茂擊五校賊進降

廣平又同王梁擊之於清河平之後漢書列傳

安帝永初五年詔魏郡趙國繕作塢堠以備羌寇後漢書本紀

桓帝建和元年清河劉文反殺國相謝嵩欲立清河王

蒜事覺伏誅同上

靈帝中平元年甘陵人反執其王以應張角遣北中郎

將盧植討之六月盧植破黃巾於廣宗今威縣宦官誣奏

植抵罪遣中郎將董卓攻張角不尅同上

植圍張角於廣宗城垂拔帝遣小黃門左豐視軍求

賂不得還言於帝曰廣宗賊易破耳盧中郎固壘以待天誅帝怒檻車徵植還減罪一等以董卓代之資治

通鑑

十月皇甫嵩與黃巾賊戰於廣宗獲張角弟梁角先死

乃戮其屍

後漢書本紀

梁眾精勇嵩不能尅明日乃閉營休士以觀其變知賊意稍懈乃潛夜勒兵雞鳴馳赴其陳戰至晡時大破之斬梁獲首三萬級角先已病死剖棺戮屍傳首

京師

資治通鑑

獻帝初平三年袁紹擊公孫瓚於界橋威縣北大破之瓚

還冀

後漢書列傳

英雄記曰公孫瓚擊青州黃巾賊大破之還屯廣宗袁本初自往征瓚合戰於界橋南二十里紹將鞠義破瓚於界城橋斬冀州刺史嚴綱又破瓚殿兵於橋

上

水經注又見三國志注

四年袁紹軍薄落津魏郡兵反與黑山賊于毒等共覆鄴城紹因還屯斥邱資治通鑑

紹與瓚和引軍南旋三月上巳大會賓徒於薄落津聞魏郡兵反與黑山賊于毒等數萬人共覆鄴城殺郡守坐中客家在鄴者皆憂怖失色紹容貌自若賊

有陶升者獨將部眾踰西城入具車重載紹家屬及諸衣冠在州內者身自捍衛送至斥邱紹還因屯斥邱以陶升為建義中郎將

同上

建安九年四月曹操擊袁尚將沮鵠於邯鄲拔之易陽令韓範舉城降五月操圍鄴城

同上

曹操之圍鄴城也袁譚復背之略取甘陵操與書責以負約與之絕婚女還然後進軍

三國志

晉

惠帝永興元年王浚自幽州遣烏桓羯朱逕至梁期城遇成都王穎將石超敗之

晉書

懷帝永嘉四年二月石勒渡河攻廣宗清河諸縣降勒者九萬餘口

晉書載記

石勒由襄陽北還廣平太守邵肇等率眾降

同上

四月王浚將祁宏敗漢冀州刺史劉靈於廣宗殺之

通鑑

王浚遣祁宏討石勒及於廣宗時大霧宏引軍就道卒

與勒遇為勒所殺

晉書列傳

六年漢趙固追殺王桑於曲梁

資治通鑑

王彌既死其將趙固王桑自懷求迎於漢漢主聰遣鎮遠將軍梁伏疵將兵迎之固隨疵而西桑引其眾

東奔青州固遣兵追殺之於曲梁同上

愍帝建興元年漢石勒攻李暉於上白胡三省注在廣宗縣今威縣境

斬之資治通鑑張賓說石勒掠廣平諸縣野穀晉書載記

建興初幽州都督王浚使其將田徽為兗州刺史保定

陵今威縣西北石勒遣其將孔萇擊殺之晉書

穆帝永和五年趙王虎卒太保張豺謀誅司空李農農

奔廣宗帥乞活數萬家保上白太后劉氏使張舉統宿

衛諸軍圍之資治通鑑

乞活李暉田徽之餘眾也自永嘉以來屯聚於上白

通鑑注

永和六年趙石閔弑其主鑿而自立改國號曰魏通鑑作衛

汝陰王石琨奔冀州撫軍將軍張沈屯淦口眾各數萬

晉書載記

趙石祗稱帝於襄國遣其相國石琨率眾十萬伐鄴進

據邯鄲鎮國通鑑作鎮南將軍劉國自繁陽會琨石閔大敗琨

於邯鄲死者萬餘同上六月石祗遣其弟琨攻冉閔將王

泰於邯鄲琨師敗績晉書本紀

廢帝太和年清河太守賀耕聚眾定陵以叛南應翟遼

慕容農討斬之毀定陵城晉書載記

武帝太元八年十二月慕容垂謀叛秦遣人至鄴密告

其子農等使起兵相應甲申晦農楷將數十騎微服出

奔列人資治通鑑

農奔列人長樂公苻丕遣石越討之眾請治列人城

農曰今起義兵惟敵是求當以山河為城池何列人

之足治也辛卯越至列人西農擊其前鋒破之暮復

出陣於城西大敗秦兵斬越送首於垂同

案晉書農宙奔列人宙為垂之弟子楷紹奔辟陽與通鑑

稍異

九年慕容垂攻鄴拔郛塹而圍之分遣老弱於魏郡肥

鄉築新興城以置輜重晉書載記

慕容垂殺翟斌斌兄子真夜將營眾北奔邯鄲引兵還

向鄴圍欲與苻丕內外相應太子寶與冠軍大將軍隆

擊破之真還走邯鄲八月真自邯鄲北走趨中山屯於

承營資治通鑑

八月丙寅慕容垂夜解圍趨新城遣慕容農徇清河徵

督租賦同上

十年夏四月劉牢之進兵至鄴燕王垂逆戰而敗遂撤

圍退屯新城乙卯自新城北遁庚申牢之追及垂於董

唐淵元和志董作黃唐作塘淵一作坡牢之軍疾趨二百里至五橋澤

爭燕輜重垂邀擊大破之同上

晉龍驤將軍劉牢之率眾救苻丕至鄴垂逆戰敗績

退屯新城垂自新城北走牢之追垂連戰皆敗又戰

於五橋澤王師敗績德及隆引兵要之於五丈橋會

苻丕救至牢之得免晉書

八月燕主垂追慕容麟慕容隆自信都徇清河資治通鑑

十一年十月燕寺人吳深據清河反燕主垂攻之不克

十二月己酉燕王垂攻吳深壘拔之深單馬走同上

燕人齊涉據新柵降今清河西燕主垂以為魏郡太守方輿紀要

十二年十月翟遼復叛燕遣兵與王祖張申寇抄清河

資治通鑑

十三年九月張申攻廣平王祖攻樂陵燕高陽王隆將

兵討之同上

十四年五月清河民孔金斬吳深送首中山同上

十九年燕主垂伐西燕遣太原王楷出淦口同上

二十一年魏將拓跋章攻後燕鄴城慕容德遣南安王

慕容青等夜擊敗之魏師退次新城晉書載記

安帝隆安三年魏中山太守仇儒叛推羣盜趙準為主

扇動鉅鹿廣平諸郡中領軍長孫肥討之魏書列傳

元魏

道武帝天興元年康熙志作皇始三年廣平太守元意烈謀反賜

死魏書本紀

意烈除廣平太守時和跋為鄴行臺意烈性雄耿自以帝屬恥居跋下遂陰結徒黨將襲鄴發覺賜死北史

列傳

天興二年前清河太守傅世聚黨千餘家自號撫國將

軍征虜將軍庾岳討破之魏書本紀 康熙志誤作太興二年

太武帝神嘉三年八月清河羣盜殺太守魏書本紀

孝莊帝永安元年梁大通二年九月壬申爾朱榮討葛榮於

滏口擒之同上

葛榮引兵圍鄴眾號百萬爾朱榮啟求討之召從子

天光留鎮晉陽自帥精騎七千馬皆有副倍道兼行

東出滏口以侯景為前驅潛軍山谷為奇兵爾朱榮

身陷陳出於賊後表裏合擊大破之擒葛榮餘眾悉

降資治通鑑

魏主恭普泰元年晉州刺史高歡引兵東出聲言討信

都高乾將十餘騎與封隆之子子繪潛謁歡於滏口說

其起兵同上

魏主修太昌元年梁中大通四年秋七月魏丞相歡引兵入滏

口擊爾朱兆同上

孝靜帝武定元年正月己巳車駕蒐於邯鄲之西山魏書

本紀 隋

高祖仁壽四年八月漢王諒舉兵遣大將軍綦良出滏口趣黎陽綦良攻慈州刺史上官政不克引兵攻行相

州事薛胄又不克遂自滏口攻黎州塞白馬津

資治通鑑

煬帝大業七年椿人高士達聚眾於清河境內為盜

同上

九年清河張金稱聚眾剽掠右侯衛將軍馮孝慈討之

孝慈敗死

隋書

清河賊張金稱眾數萬山東苦之

北史

十年帝征高麗自懷遠鎮班師還邯鄲賊帥楊公卿帥

其黨八千人抄駕後第八隊得飛黃上廐馬四十二匹

而去

資治通鑑

十二年三月己丑張金稱陷平恩一朝殺男女萬餘口

又陷鉅鹿清河諸縣

同上

案胡三省注清河郡帶郭之清河縣本武城縣開皇

初改名郡城既守縣不應陷清陽縣乃舊清河縣金

稱所陷蓋清陽非清河也

張金稱寇掠河北遣太僕卿楊義臣討之金稱營於平

恩東北義臣營永濟渠西相持月餘乘間大敗之金稱

逃於清河之東清河郡丞楊善會討擒之詔以善會為

清河通守

資治通鑑

高士達張金稱並相聚為盜攻陷郡縣帝遣將軍段達討之不能尅詔義臣率遼東還兵數萬擊之大破

士達斬金稱

隋書楊義臣傳

大業末年清河賊帥趙君德作亂尋歸李密

北史李密傳

唐

高祖武德二年八月竇建德將兵十餘萬趣洛州丁未

陷之總管袁子幹降

資治通鑑

淮安王神通聞建德至帥諸軍退保相州己亥建德

兵至洛州城下丁未陷洛州乙卯趣相州神通走黎

陽

同上

十月竇建德還洛州築萬春宮徙都之

同上

三年四月秦王及劉武周戰於洛州敗之

唐書本紀

十二月丙午詔并州總管劉世讓為行軍總管使將兵

出土門攻洛州

資治通鑑

張道源從竇建德在河南密遣人詣長安請出兵攻

洛州以震山東乃詔世讓為行軍總管使將兵出土

門趣洛州不克會突厥入寇召世讓還

唐書

四年三月竇建德所署普樂令平恩程名振來降上遙

除名振永甯令

資治通鑑

案胡三省注永甯屬洛州本熊耳縣義甯二年更名攷舊唐書除名振永年合通鑑蓋承新唐書之誤也

五月壬申竇建德將齊善行以洛相等州來降資治通鑑

時建德餘眾走至洛州欲立建德養子為主徵兵以

拒唐善行以為不可乃散府庫之帛置萬春宮東街

出凡三晝夜乃畢率其百官奉建德妻曹氏及傳國八

璽請降於唐上以善行為秦王左二護軍唐書

七月詔以陳君賓為洛州刺史將軍秦武通等將兵屯

洛州又以鄭善果等為慰撫大使就洛州選補山東州

縣官資治通鑑

置山東道行臺於洛州同上

竇建德之敗也其諸將暴橫為民患唐官吏以法繩

之或加捶撻建德故將皆驚懼不安高雅賢王小胡

家在洛州欲竊其家以逃官吏捕之雅賢等亡命至

貝州會上徵建德故將范願等於是相謀為亂以漳

南劉黑闥為帥上聞乃置山東行臺以淮安王神通

為行臺右僕射同上

七月甲戌劉黑闥反於貝州丁酉陷鄒縣權貝州刺史

戴元祥與戰死之新唐書本紀

十二月劉黑闥將兵數萬進逼宗城黎州總管李世勣

先屯宗城棄城走保洛州甲子黑闥追擊世勣等破之

丙寅洛州土豪翻城應黑闥資治通鑑

黑闥於洛州城東南告天及祭建德而後入洛州刺

史陳君賓遁歸長安舊唐書

五年正月劉黑闥自稱漢東王改元天造定都洛州同上

秦王世民討劉黑闥軍至獲嘉黑闥棄相州退保洛州

世民進軍肥鄉列營洛水之上以逼之資治通鑑

案舊唐書劉黑闥傳黑闥委相州退保於列人營

二月劉黑闥引兵還攻洛水癸亥行至列人秦王世民

使秦叔寶邀擊破之資治通鑑

黑闥聞李藝將所部來會討乃使范願守洛州自將

兵拒藝洛水人李去惑據城來降秦王世民遣王君

廓赴之城守黑闥還兵攻之同上

二月丁丑劉黑闥陷洛水總管羅士信死之唐書本紀

洛水城四旁皆有水廣五十餘步黑闥於城東北築

二笏道以攻之世民三引兵救之黑闥拒之不得進

世民恐王君廓不能守行軍總管羅士信請代君廓

守之世民乃登城南高冢以招君廓君廓潰圍出土

信帥左右二百人乘之而入黑闥晝夜急攻會大雪

救兵不得往凡八日城陷士信被執黑闥素聞其勇

欲生之士信不屈乃殺之辛巳秦王復攻拔洺水資治通鑑

通鑑

三月丁未秦王世民與黑闥戰於洺水南大破之黑闥

與范願等奔突厥唐書本紀

世民與李藝營於洺水之南分兵屯水北黑闥數挑

戰世民堅壁不應遣奇兵絕其糧道相持六十餘日

黑闥潛兵襲李世勣營世民引兵救之為黑闥所圍

尉遲敬德帥壯士犯圍救之得出世民度黑闥糧盡

必來決戰乃使人堰洺水上流謂守吏曰待我與賊

戰乃決之丁未黑闥帥步騎二萬南度洺水壓唐營

而陳世民自將精騎擊其騎兵破之乘勝蹂其步兵

黑闥率眾殊死戰自午至昏黑闥勢不能支王小胡

謂黑闥曰智力盡矣宜早亡去遂先遁餘眾不知猶

格戰守吏決堰洺水大至深丈餘眾潰斬首萬餘級

溺死者數千人山東悉平資治通鑑

十月乙亥劉黑闥進據洺州同上

十月癸丑貝州刺史許善護及黑闥戰於鄆縣死之

乙丑淮陽王道元及黑闥戰於下博死之於是山東

震駭洺州總管盧江王瑗棄城西走州縣皆叛附於

黑闥旬日間黑闥盡復故地乙亥進據洺州唐書兼資治通

鑑

六年二月劉黑闥為其所署饒州刺史諸葛德威執之
送於太子建成斬於洺州舊唐書列傳

五年十一月太子督兵討黑闥頻戰大捷六年二月
又大破之於館陶黑闥北走至饒陽從者纔百餘人
刺史諸葛德威出迎拜固請進城至城旁勒兵執之

送洺州同上

元宗天寶十四載十一月安祿山陷廣平清河諸郡十

二月恒山太守顏杲卿克復唐書本紀

十五載是年七月改元至德正月賊將史思明既陷常山復擊諸

郡於是廣平鉅鹿等郡復為賊守資治通鑑

三月平原太守顏真卿以兵六千令清河客李萼將之

會清河兵四千軍於堂邑西南同上

清河長史王懷忠以眾歸真卿唐書列傳

十月史思明陷河間景城復以平原兵攻清河等縣皆

陷之資治通鑑

案唐書李光弼傳思明入博陵殺官吏景城河間信

都清河平原博平六郡結營自守以附光弼與通鑑

稍異

肅宗乾元元年九節度圍鄴安慶緒求援於史思明思

明遣李歸仁軍湓陽為鄴聲勢舊唐書

乾元初史思明屯相州辛雲京以銳兵四千襲湓陽追

破其眾唐書列傳

二年二月九節度之師潰於湓水唐書本紀

寶應元年十一月賊將薛嵩以洛邢等州降資治通鑑

十月史朝義敗走貝州僕固瑒追之同上

代宗大曆十年春正月己酉通鑑作丁酉昭義牙將裴志清

逐其帥薛萼通鑑作薛萼奔洛州舊唐書本紀

正月乙未詔以薛堅為洛州刺史癸丑田承嗣盜取洛

州同上

魏博節度使田承嗣誘昭義兵使作亂又遣大將盧

子期取洛州上命內侍魏知古諭承嗣使各守封疆

承嗣不奉詔逼魏知古與共巡磁相二州資治通鑑

夏四月上命諸道兵討田承嗣五月乙未承嗣將霍榮

國以磁州降

八月己丑田承嗣遣其將盧子期寇磁州

九月李寶臣李正己會兵圍貝州田承嗣出兵救之

十月盧子期攻磁州城幾陷李寶臣與昭義留後李承

昭共救之大破子期於清水擒送京師俱同上

案新唐書田承嗣傳清水作臨水蓋臨水縣名在滏

口之右屬廣平郡通鑑之清水即臨水也

德宗建中二年五月田悅自將兵數萬圍臨洛邢州刺

史李其臨洛將張仵堅壁拒守

資治通鑑

魏博節度使田悅與李正己李惟岳連兵拒命初薛

嵩之死也田承嗣盜據洛相二州朝廷獨得邢磁二

州及臨洛縣悅欲阻山為境曰邢磁如兩眼在吾腹

中不可不取乃遣兵馬使康愔將八千人圍邢州別

將楊朝光將五千人柵於邯鄲西北以斷昭義救兵

悅自將兵圍臨洛

同上

七月癸未河東節度使馬燧昭義節度使李抱真及田

悅戰於臨洛敗之

唐書本紀

時悅攻臨洛累月不拔李抱真告急於朝詔馬燧將

步騎二萬與抱真討悅又遣李晟將神策兵與之俱

燧等軍未出險先遣使持書諭悅為好語悅謂燧畏

之不設備乃合兵八萬東下壺關軍於邯鄲擊悅支

軍破之悅方急攻臨洛分李惟岳兵五千助楊朝光

明日燧等進攻朝光柵悅將萬餘人救之燧命大將

李自良等禦之於雙岡

見山川

令之曰悅得過必斬爾

自良等力戰悅軍却燧推火車焚朝光柵斬朝光獲

首虜五千餘級居五日燧等進軍至臨洛悅悉眾力

戰凡百餘合悅大敗引兵夜遁

資治通鑑

三年正月馬燧等諸軍屯於漳濱田悅遣其將王光進築月城以守長橋燧軍涉水而度進屯倉口與悅夾洹水而軍大破之悅走魏州悅從兄昂以洺州降王光進以長橋降

同上

時諸軍不得度漳水燧以鐵鎖連車數百實以土囊塞其下流水淺諸軍涉度時軍中乏糧悅堅壁不戰燧命諸軍持十日糧進屯倉口與悅夾洹水而軍乃為三橋逾洹水日往挑戰悅不出燧令諸軍夜半起食潛師循洹水直趨魏州令曰賊至則止為陳留百

騎擊鼓鳴角於營中抱薪持火匿其旁俟悅軍度橋畢焚之軍行十里悅率步騎四萬追之燧縱兵擊之悅軍大敗追奔至三橋已焚溺死者不可勝紀悅收餘兵千人走魏州

同上

四年十月朱泚據長安反上遣中使告難於魏縣行營諸將相與慟哭馬燧李芄各歸鎮李抱真退兵臨洺

同上

田悅說王武俊共擊抱真遣使說以利害武俊

乃辭田悅北歸

舊唐書列傳

興元元年正月朱滔遣馬寔攻宗城等縣復分兵攻貝及魏田悅閉城自守

資治通鑑

初李抱真遣賈林說王武俊歸國武俊許之陰約田悅共背朱滔至是滔說悅攻大梁悅辭以他故滔怒故遣兵攻之

五月朱滔圍攻貝州王武俊軍於南宮李抱真自臨洛引兵會之設伏於桑林大敗之

朱滔攻貝州百餘日不能下賈林復為抱真說王武俊合兵攻滔武俊從之抱真以數騎詣武俊營約為兄弟誓同滅賊遂連營進距貝州三十里而軍滔聞兩軍皆至急召馬寔時攻魏州寔至滔出戰武俊遣兵馬使趙琳將五百騎伏於桑林通鑑注在經城西南抱案經城在今威縣北

真列方陣於後武俊引騎兵居前與回紇戰趙琳自林中出橫擊之回紇及滔軍皆敗走抱真武俊合兵追之滔焚營夜遁俱同上

貞元六年五月王武俊屯冀州使其子士清伐貝州取經城等縣唐書列傳

武俊將擊趙鎬鎬帥其屬奔鄆州李納分兵據之田緒遣使矯詔以棣州隸納武俊怒遣其子士清以兵取經城等縣資治通鑑

十年十月昭義軍留後王虔休及攝洛州刺史元誼戰於雞澤敗之唐書本紀

上以王延貴為昭義留後賜名虔休昭義行軍司馬攝洺州刺史元誼聞虔休為留後意不平表請以磁邢洺別為一鎮昭義精兵多在山東誼厚賚以悅之上屢遣中使諭之不從臨洺守將夏侯仲宣以城歸虔休虔休遣磁州刺史馬正卿督裨將石定蕃等將兵五千擊洺州蕃帥其眾三千叛歸誼正卿退還詔以誼為饒州刺史誼不行虔休自將兵攻之引洺水以灌城九月敗之進拔雞澤資治通鑑

元誼據洺州叛虔休遣將李庭芝討之戰長橋斬級數百次雞澤又破之守戍皆奔魏博唐書王虔休傳

十一年閏八月戊辰元誼以洺州詐降王虔休遣裨將將二千人入城誼皆殺之資治通鑑

十二年正月庚子元誼石定蕃等帥洺州兵五千人及家人萬餘口奔魏州同上

憲宗元和二年昭義節度使盧從史擅引兵東出就食

邢洺舊唐書

從史內與王士真劉濟潛通而外獻策請圖山東引兵出屯邢洺上召令還不時奉詔久之乃還資治通鑑

文宗太和三年正月元志紹與成德合兵掠貝州義成節度使李聽魏博副大使史唐合兵擊破之志紹奔鎮

州同

王庭湊之亂詔李聽悉兵屯貝州史憲誠懼聽因取

道清河襲之唐書李聽傳

武宗會昌三年四月成德節度使王元逵以步騎三千

守臨洛資治通鑑

昭義節度使劉從諫卒其子稹自為留後詔諸道兵

討之諭鎮帥王元逵魏帥何宏敬攻其邢洛磁三州

元逵聞命出師同上

七月詔何宏敬取洛州又以王宰將忠武軍趣磁州唐書本紀

王元逵已入邢州踰月何宏敬猶未出師元逵密表

宏敬懷兩端李德裕勸上遣王宰將全軍經魏博直

抵磁州以分賊勢宏敬聞王宰將至恐忠武軍入魏

境倉皇出師丙子宏敬奏已自將全軍度漳水趣磁

州德裕乃令王宰不之磁州亟援河陽并蔽東都臨

制魏博資治通鑑

九月辛卯何宏敬奏拔肥鄉平恩殺傷甚眾舊唐書列傳

會昌四年八月辛卯鎮魏奏邢洛磁三州降資治通鑑

昭義軍都頭王釗將萬兵戍洛州劉稹旣族薛茂卿

又誅邢洛救援兵馬使談朝義兄弟三人釗自是疑

懼稹遣使召之不肯入會稅商軍將至洺州乃開倉
庫給士卒閉城請降於何宏敬安玉在磁州聞二州
降亦降於宏敬

僖宗中和二年八月魏博節度使韓簡掠邢洺

簡有兼併之志自將兵三萬攻河陽敗諸葛爽於脩
武留兵戍之因掠邢洺而還

光啟元年八月洺州刺史馬爽起兵屯邢州南

爽與昭義行軍司馬奚忠信不叶起兵脅孟方立請
誅忠信既而眾潰爽奔魏州

光啟二年九月李克脩攻孟方立擒其將呂臻於焦岡

拔故鎮臨洺邯鄲沙河

昭宗龍紀元年六月李克用拔磁洺二州

克用大發兵遣李罕之李存孝攻孟方立六月拔磁
洺二州方立遣大將馬旆袁奉滔將兵數萬拒之戰
於琉璃陂方立大敗二將被擒克用乘勝攻磁州方
立飲藥死弟遷攝洺州刺史得士心眾奉之爲留後

俱同上

大順元年六月河東將安知建以邢洺磁三州叛附於

朱全忠十月李克用復陷三州

唐書本紀

乾甯初龐師古破朱瑾於清河

五代史列傳

三年閏正月河東將李存信退保洺州

資治通鑑

李克用遣子存信將萬騎假道於魏以救充鄆戢眾不嚴侵暴魏人羅宏信怒夜襲其軍存信退保洺州

同上

六月李克用帥蕃漢諸軍營於斥邨遣其男落落將三

千騎薄洹水營葛從周與戰大破之擒落落

舊五代史

九月河東將李存信攻臨清敗汴將葛從周於宗城北

資治通鑑

存信自洺州進攻從周敗之於宗城北乘勝至魏州

北門克用復自將攻魏州敗魏兵於白龍潭全忠復

遣從周救之屯於洹水自以大軍繼至克用乃還

五代史

光化元年四月丁卯朱全忠遣葛從周分兵攻洺州戊

辰拔之斬刺史邢善益

資治通鑑案唐書羅宏信傳執洺州刺史邢行恭與通鑑異

全忠與劉仁恭脩好會魏博兵擊李克用於鉅鹿敗

之遣葛從周分兵攻邢洺皆拔之磁州刺史袁奉滔

自剄全忠以從周為昭義留後守邢洺磁三州

舊五代史

二年正月劉仁恭發兵十萬攻貝州拔之

資治通鑑

城中萬餘戶盡屠之投尸清水由是諸城堅守不下

朱全忠遣將救之大敗而還

同上

三年八月河東將李嗣昭救洛州擒刺史朱紹宗同上

朱全忠大發兵擊劉仁恭仁恭求援於河東李克用

遣周德威將五千騎出黃澤嶺攻邢洛以救之七月

復遣都指揮使李嗣昭將兵五萬攻邢洛以救仁恭

敗汴軍於沙河進攻洛州全忠引兵救之未至嗣昭

拔洛州九月葛從周自鄴縣度漳水營於黃龍鎮全

忠自將中軍三萬涉洛水置營李嗣昭棄城走舊五代史

天復元年三月朱全忠遣兵分道攻河東魏博都將張

文恭自磁州新口入洛州刺史張歸厚自馬嶺入資治通鑑

昭宣帝天祐三年四月義昌節度使劉守文遣兵攻貝

州同上

守文遣兵萬人攻貝州又攻魏州時鎮州大將王釗

攻魏州叛將李重霸於宗城朱全忠遣歸救冀州五

月丁未全忠如洛州遂巡北邊視戎備同上

四年是年四月朱全忠自滄州還休兵貝州朱溫篡唐

全忠因魏博糧餉休兵貝州旋入館於魏羅紹威恐

其襲已說以唐室衰微宜早正名位全忠乃引兵歸

舊五代史

重修廣平府志卷三十二

前事略 兵紀下

五代

梁主 朱全忠 開平元年 晉主李存勗稱 十二月晉兵攻洛

州 資治通鑑

乾化元年 晉稱天祐八年 二月乙丑晉將周德威自臨清攻貝

州 同上

六月乙卯命楊師厚出屯邢洛 舊五代史本紀

二年 晉稱天祐九年 十一月趙將王德明攻宗城下之 資治通鑑

德明將兵三萬掠武城至於臨清攻宗城下之楊師

厚伏兵唐店邀擊大破之同上

梁主均王 乾化四年晉稱天祐十一年 秋七月晉王率師自黃

澤嶺東下寇邢洛舊五代史本紀

梁主均王 貞明元年晉稱天祐十二年 七月梁將劉鄩屯宗城

既而引軍趨貝州資治通鑑

鄩欲西襲晉陽遇雨不得進自邢州陳宋口踰漳水而東屯於宗城知臨清有蓄積欲據之絕晉糧道周德威自幽州追鄩至南宮擒斥堠人縱之使言曰周侍中已據臨清矣鄩軍大駭詰朝德威略鄩營而過人臨清鄩引軍趨貝州

二年晉稱天祐十三年 二月晉王勞軍於貝州

梁劉鄩堅壁不戰晉王乃令李存審守營自勞軍貝州鄩聞之襲魏州李存審踵其後晉王亦自貝州至與城中兵合擊大破之

三月晉王攻惠州刺史靳紹走擒斬之復以惠為磁州四月晉人拔洛州以魏州都巡檢袁建豐為洛州刺史九月貝州降晉晉王以毛璋為貝州刺史

晉人圍貝州踰年去年八月 刺史張源德聞河北諸州皆為晉有欲降眾恐窮而後降不能免死因共殺源德嬰城固守乃謂晉將曰出降懼死請擐甲執兵

而降事定乃釋之晉將許之其眾三千出降既釋甲

圍而殺之盡殪俱同上

梁主龍德二年晉稱天祐十九年正月梁將戴思遠拔成安舊

史代

思遠引兵趣魏州李思源先之遣兵挑戰思遠知有

備乃西拔成安大掠而還通鑑輯覽

後唐主李存勳同光末年趙在禮屯貝州軍士皇甫暉作

亂脅在禮為帥從之舊五代史列傳

後晉主石敬瑭天福三年置永清軍於貝州以王固為永

清節度使舊五代史

六年十二月己亥北面軍前奏十三日未時於宗城縣

西南大破鎮州賊軍殺一萬五千人餘黨走保宗城縣

是夜三更破縣城舊五代史本紀

安重榮集境內飢民眾至數萬揚旌向闕朝廷遣杜

重威禦之於宗城軍纔成列有賊將趙彥之臨陣卷

旗來奔重榮聞之大恐王師乘之一鼓而潰舊五代史列傳

後晉主石重貴開運元年契丹陷貝州同上

節度使王令溫入朝吳巒權知州事巒書生無爪牙

軍校邵珂守南門引契丹入巒赴井死遂破貝州晉

以高行周符彥卿皇甫遇等將兵禦之資治通鑑

夏四月鄴都留守張從恩攻貝州趙延昭棄城而遁舊

代史本紀

契丹北去留趙延昭為貝州留後從恩上言趙延昭

雖據貝州麾下兵皆久客思歸宜速進軍攻之詔以

從恩為貝州行營都部署督諸將擊之趙延昭縱火

大掠棄城走瀛莫資治通鑑

二年正月契丹寇邢洺磁三州殺掠殆盡河北相繼告

急遂下詔親征遼引兵還

皇甫遇與慕容彥超將數千騎覘契丹將度漳水相

遇且戰且却安審琦救之敵乃解去契丹主在邯鄲

聞之即時北遁

後漢主劉知遠天福十二年二月滏陽賊帥梁暉送款於

漢漢主許之

時契丹北去州郡豪猾相聚為盜殺掠吏民滏陽賊

帥梁暉有眾數百送款晉陽求效用磁州刺史李穀

密通表於帝令暉襲相州據之

閏七月洺州防禦使薛懷讓殺契丹使者舉州降麻荅

遣將攻之懷讓嬰城自守

麻荅遣使者督運於洺州薛懷讓聞漢主入大梁殺

其使者舉州降漢主遣郭從義將兵萬人會懷讓攻

劉鐸於邢州鐸請兵於麻荅麻荅遣其將楊安五代史作

楊及前義武節度使李殷將千騎攻洺州懷讓嬰城

自守安等大掠邢洺之境

乾祐二年十月契丹寇河北遊騎至貝州所過殺掠漢

遣郭威督諸軍禦之

後周主郭威廣順元年二月遣前淄州刺史陳思讓將兵

戍磁州扼黃澤路以備北漢

二年九月契丹將高漠漢入寇成德節度使何福進遣

龍捷都指揮使劉誠誨等屯貝州以拒之

顯德元年三月北漢乘勝入寇詔天雄節度使符彥卿

自磁州固鎮路出北漢軍後俱同上

宋

太祖建隆元年遼應曆十年五月以洺州團練使郭進為本

州防禦使兼西山巡檢備北漢也續資治通鑑

三年遼應曆十二年三月徙北漢降民於邢洺州計口賦粟

乾德元年遼應曆十三年七月洺州防禦使郭進率兵攻北漢

開寶元年遼應曆十八年八月命客省使盧懷忠等二十二人

領兵屯洺州將有事於北漢也

二年遼保寧元年正月遣使發諸道兵屯潞磁等州俱同上

太宗太平興國二年遼保寧九年將討北漢命邢洺等州治

戎器及攻城之具宋史

淳化五年遼統和十二年八月貝州驍捷卒劫庫兵為亂推都

虞侯趙咸雍為帥轉運使王嗣宗率屯兵擊敗之擒咸

雍磔於市宋史本紀

真宗景德元年遼統和二十二年十一月遼馬軍都指揮使耶

律珂禮遇南師於洺州勝之續資治通鑑

是年契丹圍瀛州直犯貝州中外震駭帝議親征宋史列傳

仁宗慶歷七年遼重熙十六年十一月貝州宣毅卒王則據城

反續資治通鑑

則本涿州人歲饑流至貝州自賣為人牧羊後隸宣

毅軍為小校貝冀俗妖幻相與習五龍滴淚等經及

圖讖諸書初則去涿母與之訣別刺福字於背以為

記妖人因妄傳福字隱起爭信事之而州吏張巒卜

吉主其謀黨連德齊諸州約以明年正旦斷澶州浮

梁亂河北會其黨潘方淨懷刃以書謁北京留守賈

昌朝事覺被執不待期亟叛時知州張得一以方以冬

至日與官屬謁天慶觀則率其徒劫庫兵得一走保

饒捷營賊焚門執得一囚之兵馬都監田斌以從卒

巷鬪不勝而出城扉闔提點刑獄田京任黃裳持印

棄其家縋城出保南關賊從通判束鹿董元亨取軍

資庫鑰元亨拒之殺元亨又出獄囚囚有憾司理參軍王獎者遂殺獎旣而節度判官李浩清河合齊開主簿王灤皆被害則僭號東平郡王以張巒爲宰相卜吉爲樞密使建國曰安陽榜所居門曰中京居室廡庫皆立名號改年曰得聖百姓年十二以上七十以下皆涅其面曰義軍破趙得勝旗幟號令率以佛爲稱賈昌朝遣大名府鈐轄郝質將兵趨貝州十二月昌朝以貝州反書聞內出劄子下中書樞密院亟擇將領往撲滅之仍令澶州孟州定州真定府預設守備毋致奔逸

十二月甲辰以高陽關都部署王信爲貝州城下招捉都部署甲寅遣內侍何誠用齋敕榜招安貝州軍賊信聞貝州亂亟領本部兵傅城下故有是命及遣使招安御史中丞高若訥言河朔重兵所積處今釋貝州不討後且啟亂階爲遼人笑不聽

八年

遼重熙十七年

正月丁丑以參知政事文彥博爲河北宣

撫使本路體量安撫使明鎬副之督攻貝州

明鎬以貝州城峻不可攻謀築距闔度用工二萬人期三十日可與城齊而賊亦於城上設戰棚與官軍相當名曰喜相逢距闔將成爲賊所焚乃用軍校劉

遵計卽南城鑿地道而日攻其北以牽制之貝州民有汪文慶郭斌趙宗本汪順者自城上繫書射鎬帳約爲內應夜縋縲以引官軍旣納數百人賊覺率衆拒戰初官軍旣登欲專其功斷縲以絕後來者及與賊戰知寡衆不敵復縋而下是夜城幾克鎬攻貝州久不下帝憂之問輔臣策安出彥博乞自往討賊故有是命改鎬爲副先是樞密使夏竦惡鎬恐其成功從中沮之彥博奏請以便宜從事貝州賊謀竊出要潛劫遼使明鎬諜知之遣殿侍安素伏兵西門壬午賊十果以三百人夜出伏發皆就獲乙酉彥博至貝州

閏正月庚子官軍攻貝州克其城王則開東門遁王信捕得之檻送京師

官軍攻貝州城北甚急賊盡銳禦之而南城所穴地道潛達城中閏月庚子朔文彥博夜選壯士二百銜枚由地道入右班殿直曹竭等導之旣出登城殺守陴者垂縲引官軍賊縱火牛官軍稍却軍校楊遂以槍中牛鼻牛還走賊衆驚潰王則開東門遁閣門祇候張綱緣壕戰死之王信捕得則賊餘黨保村舍皆焚死彥博請斬王則於大名府夏竦言恐所獲非真盜當覆視之詔以檻車送則京師賜平貝州將士緡

錢改貝州為恩州俱同上

徽宗宣和三年金天輔五年金將王伯龍破孔彥舟鄴瓊眾

三萬於洺州金史王伯龍傳

七年金天會三年金宗望破真定兵五千人遂克信德府次

邯鄲金史列傳

欽宗靖康元年金天會四年九月知磁州宗澤繕城浚隍治

器械募義勇為固守計資治通鑑

澤上言邢洺磁趙相五州各蓄精兵二萬敵攻一郡

則四郡皆應是一郡之兵常有十萬人也帝嘉之

十一月康王構北使至磁州金軍遊奕日至磁城下蹤

迹王所在

磁州守臣宗澤迎謁康王曰肅王一去不返今金又

詭亂以致大王其兵已迫復去何益願勿行王返相

州俱同上

康王次磁州軍民戍奉使王雲隨王軍入州解王府

知客韓公裔諭退之王與公裔謀間道潛師夜起遲

明至相磁人無知者宋史列傳

金將阿魯補屯兵洺州之境同上

高宗建炎元年金天會五年五月遣統制官薛廣以三千人

出內黃張瓊以二千人出開德共復磁州續資治通鑑

金宗翰既班師留將蒙克進據磁相故遣兵復之

七月右監門衛大將軍貴州團練使趙士瑀以義兵復

洛州

初士瑀從上皇北遷次洛州城東五里欲遁還據城

謀未就而敵圍已合士瑀徒步抵武安縣縣官資以

衣冠鞍馬少壯者百餘人從至磁州乃召集義軍以

解洛圍不旬日得兵五千人歸附者至數萬以王江

李京將之先是知洛州王麟自將勤王兵千人至大

名獨統制官韓一在城中

案宋史士瑀傳洛州守臣王麟欲叛降敵軍民怒殺

之推統制韓一為主與通鑑異

士瑀至邯鄲統制官李琮亦以兵會

力戰破圍翼日入城部分守禦金人復來攻士瑀厲

將士以大礮中其攻具復以計獲其將領乃解圍去

金人破磁州

初平陽府吏張昱坐法黜既而亡歸聚眾數千會磁

州無守軍民迎昱權領州事至是以昱為閤門祇候

知磁州俄金人復來磁無城不可守昱率其眾以奔

金人遂破磁州

俱同上

金將烏延胡里改攻宗城縣敵棄城走恩州胡里改追

殺千餘人

金史列傳

建炎二年

金天會六年

正月北京留守兼河北東路制置使

杜充奏磁沼解圍以右監門衛大將軍貴州團練使權知沼州趙士瑀為沼州防禦使

續資治通鑑

四月磁州統制官趙世隆以所部兵詣宗澤降

世隆本磁州書佐澤在磁以為中軍將澤去磁以州事付兵馬鈐轄李侃金人圍磁州急有禁兵有民兵民兵甚眾禁兵恐其勢盛將校郭進乃作亂世隆與進謀遂殺侃以通判趙子節權州事至是世隆與其弟世興將三千人歸澤澤面詰之世隆辭服澤笑曰河北陷沒而吾宋法令上下之間亦陷沒耶命引出斬之語世興曰汝兄犯法當誅汝能奮志功名足以

雪恥世興感泣

金人攻沼州防禦使趙士瑀奔大名府

初士瑀既引兵入城金圍之甚密栽鹿角洛濠塹欲以持久困之軍民終不降至是守者稍怠眾以糧盡不可守乃擁士瑀自白家灘往大名府金人遂入城自靖康後兩河州郡多為金取惟洛冀磁相等州持久而後破

俱同上

六月金將撻懶遣兵徇下磁州

金史本紀

阿里括取宗城

金史

撻懶傳

三年

金天會七年

六月乙亥金人破磁州

續資治通鑑

初金人圍城急軍校楊再興等作亂殺權守趙子節
推將官蘇珪領州事珪曰吾有三事能從我則可眾
曰試言之珪曰我欲率軍民奪路歸京師眾曰不可
力戰如何又不可珪曰盍開門乎眾不應於是珪率
眾請降金人以大隊至城下折箭為誓曰不殺人丙
子縱米麵入城其價頓減數十倍時武安城守甚固
金不能攻及聞磁降乃下同上

案金史本紀此事在天會六年六月己未與此不

符

紹興三十年

金正隆五年

契丹破金邯鄲縣

續資治通鑑

甯宗嘉定六年

金貞祐元年
元太祖八年

十二月蒙古主命其子卓

沁察罕台諤格德依為右軍循太行而南破邢洛磁諸

郡

同上

十年

金興定元年
元太祖十一年

十月乙卯蒙古兵徇下金磁州

同上

理宗寶慶二年

金正大二年

宋將彭義斌由山東取邢洛磁

等州

金史白
華傳

元

太祖初年石抹孛迭兒從奪忽闡闇里徇地至洛州城
守甚堅師不得進孛迭兒不避矢石率眾先登遂拔之

元史
列傳

太祖初木華黎攻下磁州

元史史天祥傳

十五年

宋嘉定十三年金興定四年

東平嚴實籍磁洛等州戶三十

萬來歸穆呼哩承制授實金紫光祿大夫行尚書省事

冬穆呼哩攻東平不克留嚴實守之撤圍趨洛州

元史本紀

世祖中統三年二月壬子李壇據濟南癸丑詔洛磁諸

路籍兵守城

同上

順帝至正四年益都鹽徒郭火你赤作亂上太行入壺

關至廣平殺兵馬指揮

續資治通鑑

七年四月臨清廣平等處盜起遣兵捕之

元史本紀

十八年四月壬午田豐陷廣平路大掠退保東昌詔令

元帥方脫脫以兵復廣平

同上

初灤城人韓山童自其祖父以白蓮會燒香惑眾謫

徙廣平永年縣至山童倡言天不大亂彌勒佛下生

潁州人劉福通與其黨詭言山童實宋徽宗八世孫

當為中國主乃謀起兵以紅巾為號縣官捕之福通

遂反山童就擒田豐乃其餘黨也

續資治通鑑參元史

是歲河南賊蔓延河北前江西廉訪僉事巴延遇寇於

磁州死之

續資治通鑑

巴延家居濮陽聞賊大至乃度漳北行鄉人從之者

數萬家至磁州與賊遇賊知巴延名生劫之以見其

帥帥誘以富貴巴延罵不屈引頸受刃與妻子俱死

之上

二十年十二月辛卯廣平路陷元史本紀

二十一年六月丙申察罕帖木耳總兵討山東出邯鄲

過磁相踰白馬津同上

二十八年明洪武元年閏七月明大將軍徐達等會師河陰

遣將分徇河北丁未取廣平續資治通鑑

徐達取河北下磁州進攻廣平元平章同昱棄城遁

明史列傳

明

惠帝建文三年閏三月燕兵掠廣平明史本紀

吳傑平安及燕戰於藁城敗績燕兵遂掠順德廣平

同上

英宗正統年間妖人唐賽兒餘黨彭舉聚眾於肥鄉將

作亂徐敬郭謙計擒之康熙志

賽兒捕久不獲其黨張普祥餘孽彭舉等千餘人自

新德至肥鄉伏旁舍將作亂人患之弗敢言謙敬入

白其狀於府守懼弗出同知奇其才即委捕之謙敬

定計暮夜先以衣物散民家垣外佯言被盜蹤跡至

賊所賊不覺遂盡獲之因同赴闕英宗嘉其功詔授

謙本縣主簿敬入太學賜襲衣鏹金有差同上

案雞澤縣志永樂八年春雞澤妖婦唐賽兒作亂攷

明紀為永樂十八年妖婦山東蒲台人非雞澤人縣

志誤

武宗正德五年十月霸州盜起其黨楊虎趙鏗等擾河

南山西自西而東踰曲周威縣還抵文安畿輔通志

六年夏四月流賊劉六劉七齊彥名等掠廣平攻成安

邯鄲雞澤縣境康熙志參縣志

盜攻邯鄲知縣張偉禦之偉聞流寇起克期修城不

踰月告竣並陳守禦具賊至攻城不克而去邯鄲志

莊烈帝崇禎三年土寇掠郡城永年志

賊由城西遶而南至井兒寨賊騎二百郡遣壯丁逐

之傷者甚眾大名兵備盧象昇擊却之

六年流寇入永年縣臨洺關川將馬鳳儀死巡撫丁魁

楚遣將來援敗績盧象昇引兵襲擊破之

時馬鳳儀以部檄駐臨洺因寇為利兵無紀律賊謀

知悉眾來薄戰川卒竊民衣物不忍棄遂大敗死者

二百餘人鳳儀被害巡撫遣孫遊擊領兵來援寇多

衣婦人服面傅朱黑孫兵馬驚遂敗象昇至洺慰諭

士人鼓以忠義俾結砦自守復引兵襲賊大敗之俱同

上

十一年十二月初八日

大清兵入雞澤城又破臨洺威縣清河

康熙志參雞澤志

是年歲饑盜起流寇出沒成安設十六營防禦永年

知縣宋祖乙開蓮花口引滏水以衛城十六年邑紳

申佳允復疏請挑外河以守關

成安志參永年志申佳允疏畧曰臣家

廣平府永年縣幅員雖小實為畿南要害之區日者孤城無恙固賴守令諸臣捍禦之力實恃環城一帶水為之擁衛也城南五里許有滏陽河昔年守土者引之以護城垣汪洋浩瀚實亦奇觀關廂以外則坦然陸地矣比來民力已竭此時而議創築重城物力難繼惟有因水之勢而挑濬之不傷財不勞民庶幾事半而功倍耳臣邑地狹民貧饑饉瀕至斯時休養而安集之猶恐饑寒迫而流徙之念生即此浚池一

事斷不可派之民間又增一害也城以內計見任在籍鄉紳殷實舉監宦裔每人名下田若干每田一頃應挑若干丈務極濶深宛成天塹按畝認工勒期課竣至若單爨下戶盡行豁免焉而此鄉紳舉監人等誰無父母妻子誰無身家性命知必慷慨樂趨決不忍膈膜坐視也關廂以外大堤以內亦如近垣水勢一望無涯異日即有他虞附城屹然可恃關存而城益固鑿深而築益崇矣目今凶歲民饑借此僱工一節仰而待哺於素封之家寓賑濟之意於力役之中利在一時况近堤之地不比膏腴皆斥鹵不便耕種者漸開之以魚茨葭蒲之獲利又在後世自衛之計人有同心未雨之圖刻難緩待臣雖至愚願與桑梓諸臣交勗之也

十三年成安土匪起十四年土寇焚掠成安東關

康熙志

盜自十三年搶掠鄉村民入城逃避東南鄉屠戮尤

慘成安志

十五年十一月遵化逃卒薄雞澤城尋至永年西鄉搶掠順廣道中軍守備陳鎮彝率兵禦之戰死復攻成安

劉景槐擊却之

雞澤志參永年成安志

鎮彝順天人武進士任順廣道中軍守備多力善射素以忠勇自負聞郡西有叛兵率眾往追於永年龔城村鎮彝多步卒賊據險乘之鎮彝與千總解靖方併力搏戰而大眾已潰遂力盡皆死賊亦大創而去成安被攻城幾陷塚夫劉景槐擊退賊焚掠關廂村

落

康熙志參縣志

十六年

大清兵至成安總兵白廣恩屯掠邯鄲

成安志

十七年春陝西潰卒三百騎劫掠臨洺遊擊董□追及於石碑口斬獲幾半餘遁去二月流寇入清河陷邯鄲三月闖賊偽將軍劉芳亮率眾由大名過肥鄉抵廣平

永年志參各縣志

是時又有偽將軍統甲馬至曲周掠大姓搜括貲財縣丞張天爵等謀恢復不克死之

曲周志

國朝

順治元年六月張治邦聚眾倡亂搶掠曲周縣境官兵

捕之

曲周志

時曲周逆闖偽官遁衙役肆掠財帛張治邦者優人也以膂力得守備劄聚眾二千人以誅衙役為名屯據河南曠焚掠遠近官兵捕之其同夥誘送本縣伏誅同

三年十月初六日土寇夜入臨洛城官兵射却之追及於洛東三十里復大破之餘眾竄雞澤永年志參雞澤志

二時有臨洛民傳寇且至抵暮有官兵數騎宿李九店夜將半賊斬關入者無數放火焚掠呼噪震地官兵十聞變升高射殪數人賊勢稍却官兵追之東門外復射一人昇之歸乃洛人裴三兒訊之具言導賊者為

大辭

洛人和世蕃宋積善已隨賊去世蕃叔和甯匿城隅

圯屋中捕得會大兵至康熙志云懷順王兵過境追及賊於洛東

三十里殲之繫和甯至磁州伏法餘眾至雞澤柏枝

寺浮圖店等村次日引去十一日復回雞澤至趙家

莊西遇官兵擒獲數十人餘解散同上

六年四月山東土寇張調甫等掠曲周威縣雞澤順廣道兵擊敗之西走入臨洛原任通判漆紹開率眾禦之

賊逸去永年志參曲周志

調甫有馬數十匹不時出沒縱掠村寨曲周新寨人王昌從之為盜尤驍黠橫暴知縣李時茂捕殺之餘

黨五百人入臨洛城肆掠時罷任通判遼東漆紹開
寓臨洛與弟瞻率家丁升屋拒戰紹開矢無虛發賊
驚乃逸去同上

八年曲周人張振魁王鳳等倡亂伏誅曲周志

時宋伯光遊曲周自言朱氏後與張振魁等相結有
栗菩薩者素燒香惑眾乃相與作亂以印布一片為
識約街役唐禿子為內應事覺捕得訊實誅之株連
甚眾伯光逃去同上

咸豐三年八月二十七日粵寇林鳳翔等竄入直隸破
臨洛關同知周憲曾死之總督納爾經額退守廣平畿

輔通志

時粵逆渡河圍懷慶不拔西越太行陷平陽由武安
度觀音嶺嶺即臨洛關之西界也總督納爾經額由
豫旋直次臨洛聞警發吉林兵七百人至石碑口遇
賊戰良久賊退屯於聰山之陰復張兩翼前進官兵
矢藥俱盡勢不支鄉民助戰勢甚銳殺傷相當久之
無援亦敗賊乘勝入臨洛城同知周憲曾被害總督
先退至郡城知府王桂知縣陳政典約紳耆議城守
是晚賊趨郡城至護駕村遇水而返仍由臨洛北竄
永年志是時邯鄲土匪傅俄等乘亂搶掠邑令盧昌輔

按名捕戮

邯鄲志

四年四月土匪掠邯鄲汎弁姬鳴岐督兵勇戰於河沙

堡營吏丁三多陣亡

同上

十年歲饑盜起候補道丁守存督辦畿南三府團練邑

紳刑部員外郎武汝清告養在籍

朝命隨同侍郎桑春榮辦理團防丁守存與府縣議留部郎

防守郡城設團練局於財神廟

永年志

武汝清廣郡團防始末記畧歲辛酉

為咸豐之十年連值荒旱之後野多萑苻候補道丁守存奉派督辦畿南大順廣三府團練時汝清養親在籍科道保奏隨同侍郎桑春榮辦理團練丁道與知府金鏡署知縣陳詠相商留汝清在籍辦團立練局於財神廟七月初三日開局在城紳商士民畢至始則按日捕丁四街各製器械五日會哨一次一月赴教場操演二

次九月初旬四鄉賊匪漸起於是嚴城守緊夜防乃募民勇四十名皆有執業之人每日各給小米一升白晝各安生業傍晚至局演習技藝紳練輪流經理以二更為率二更後分班分路巡查嗣賊信漸緊四街紳練在各門稽查每門分派練勇八名晝夜防守始請舖戶民戶捐輸公費公舉殷實舖戶二十家每日兩家輪流在局經管賬目所有出入錢物紳練槩不經手紳士在局在城上均自備資斧毫無沾染立局十餘年費京帑三四萬千絕無指摘者以此立局之初在縣大堂階旁創出大礮二尊各重六百觔又鑄八百觔大礮十尊六百觔大礮十餘尊添造佛郎機鳥機礮拾鎗鳥鎗刀矛槍械四百餘件八尺長熟鐵礮八件所備甚厚次年李藻舟太守添練勇四百四十名增置手礮百件紳練振奮精神按日操演漸成勁旅大順廣道視境帶勇巡查赴局驗看大加褒獎各紳練益同心協力聯絡一氣數載不懈是以賊擾數次郡城屹然無虞

十一年教匪張善繼等自山東邱縣宋景詩自堂邑謀

反三月二十七日陷曲周知縣范守恒典史倪嘉璘死

之曲周志

初教匪蟻聚運河東勢欲西渡邑廩生趙金聲糾鄉團千人渡河擊之不勝賊乘勢渡河竄擾孝固村生員吉大成等捐貲結鄉人禦賊詣縣請兵邑令范守恒募勇三百名委典史倪嘉璘赴孝固村防堵勇丁未經訓練遇賊潰散賊縱火焚孝固村殺鄉團二百七十餘人三月二十三日賊至槐橋鎮邑令告急郡守金鎧遣邯鄲勇二百人來援二十六日賊偵騎至東橋二十七日辰刻賊攻城城傾圮難守賊自城北隅蟻附入殺門卒邑令率眾抵禦潰敗走南城下遇

害典史亦死於難紳民商役勇壯死者約一千數百人同上

三月二十九日教匪圍攻威縣不克四月初七日陷清河縣知縣陳大烈典史趙惟煥死之清河志

教匪張善繼等四月初六日由威縣進掠清河縣西南王官莊大寨等村城民大驚逃散賊探知城內空虛次日辰刻入東門縣令陳大烈罵賊不屈死典史趙惟煥同其叔德言妹夫黃欽苑率家丁挺身搏戰俱死於難同上

四月初盜匪于洛體掠清河縣團勇擊破之餘眾南竄

清河志

山東夏津縣捕頭于洛體招聚羣盜三月間眾至萬餘人渡河入清河縣油坊謝鑪集等村所過擄掠一空時清邑初立團練鎗礮未備賴武城南宮各團勇助勦擊賊於黃金莊邑人武進士裴養修武城和尚大霞身先士卒衝入賊營手刃數賊賊眾亂團勇乘勝並進大敗之僅餘數十騎南竄堂邑清邑自創辦團練共立三十餘團造冊報縣聽縣令訓練指調各村舉家道殷實老成練達者為團長數團舉德行才能素為人所推服者為團總富者輸財貧者效命聞

警出隊聯絡一氣故土匪鹽梟往來數十次望而遠遁鄰境或被騷擾清邑獨全同上

四月十三日山東教匪陷廣平縣二十日肥鄉知縣楊毓柎剿匪於縣境胡盧營失利大名道標領兵官婁鳳閣督隊往剿斬匪首王大忠餘眾潰散肥鄉志

毓柎設立練局操演團丁以資防守時出攻剿四月十三日山東教匪蘇崑岡率眾數千會合廣平曲周土匪至縣境胡盧營村中逆首王大忠與之合互相句結逆焰愈張是日進陷廣平縣十八日山東賊北竄本地土匪盤踞不散毓柎整飭練勇三百人會同

鄉團於二十日進剿分兩路攻取賊出馬隊數十匹
分路拒捕勇中有膽怯者首先逃遁大眾驚潰毓柙
同劉楓林等奮勇衝殺賊始退傷亡勇丁七十三人
二十四日大順廣道標之領兵官婁鳳閣復督隊往
剿陣斬大忠餘匪潰散是時邯鄲奸民董淙荅等乘
機謀亂經邑令擒獲正法

七月初四日東匪程順書等率眾擾曲周知縣余承恩
督勇擊敗之初五日掠肥鄉知縣楊毓柙夜劫其營賊

驚遁

曲周志參
肥鄉志

程匪及其妹五姑娘統眾西竄七月初四日至曲周

縣安兒寨余承恩督勇擊敗之追至肥鄉縣東之舊
店而還於是肥鄉翟固西落堡等村皆有賊蹤楊毓
柙與蔣把總議曰賊距城不遠夜劫之必驚走乃簡
精騎十八人偕往至彭固大聲疾呼闖入村中賊大
驚夜拔營而遁初六日賊至舊店遇官兵大戰敗之
五姑娘竄成安程順書竄曲周邑令督同訓導張錫
三典史王壽仁迎戰於趙林羅布營陣斬多名賊且
戰且却馳逐二十餘里初七日復戰擒匪首張澱甲
於四夫人寨餘賊竄永年界張善繼率餘賊數人走
至沙河縣被獲伏誅

同上

十一月初五日東匪叢正等擾曲周知縣余承恩逆戰

失利

曲周志

賊於初五日渡運河初八日至曲周第五疇官軍禦之不克敗還威縣是日邑令帶勇迎擊於七岔路村東自朝至午互有殺傷既而賊大眾至圍之數重令度眾寡不敵潰圍而出生還者四十餘人令亦被創傷股

同上

十一月十三日官軍追賊於肥鄉白落堡敗之十四日

復戰於肥鄉蔡家莊大破之

肥鄉志

勝帥

保

派兵自廣郡繞路迎頭堵截領兵官六人

明都

統黃副將劉參將趙參將及旗員永姓烏姓二人

率馬隊三千步隊六千馳

至白落堡參將趙降將宋首先接戰賊鋒甚銳將二隊衝散黃副將整隊而退賊不敢逼少頃二將整隊復戰黃副將自後蹙之賊遂大敗十四日復戰於城北蔡家莊賊陣長五里官兵分六隊馬隊受礮驟退步隊開礮迎敵賊奮力衝突鏖戰兩時許共開十二礮最後一礮聲如雷震賊陣迸散奔逸追至西落堡復大敗之餘賊向北高村一路奔竄

同上

十二月朔賊竄擾永年東鄉初二日賊騎過東橋攻撲郡城邑紳武汝清等率勇登陴發大礮擊退之

永年志

同治元年六月二十四日宋景詩餘黨竄清河鄉勇許

殿一率眾禦之

清河志

景詩投降後餘黨程三黑程五姐素以跑馬賣藝為業突於六月二十三日率賊數千渡河二十四日入清邑油坊鎮劉家莊有村人許殿一糾約數十人焚香訂盟誓共殺賊賊騎至迎擊不踰時殺斃數十名既而大眾至殿一身被數鎗力戰不退俄有得勝至誠兩團勇接應賊乃大敗西竄

同

八月肥鄉教匪王守清謀逆伏誅

肥鄉志

守清邯鄲教匪董宗周

邯鄲志作宗若

羽黨也董既正法守

清謀反益亟同治元年八月十五日邀同邯鄲人白永金等武安人郭文訓等元城捕役陳六廣平秦五常肥鄉人常二磨劉成等於閏八月十九日舉事首攻大名次攻廣平句結數千人約山東延家營教匪相應十一日先期事覺白永金等三人就擒守清奔武安旋於西賢店擒獲伏誅

同上

十一月教匪張錫珠竄擾曲周肥鄉境十二月賊復擾曲周肥鄉永年成安等縣二十五日陷邯鄲縣磁州知州高錫康曲周知縣王延桂肥鄉知縣楊毓楫各督團勇擊之

縣志

錫珠山東莘縣人辛酉冬投降隨官軍至河南逃歸堂邑被擒令以其受撫也不敢殺遂率其黨五十餘人復叛旬日至數千人十一月初一日由南寺頭竄入曲周安兒寨官兵追之北走冀州十二月復回曲周邑令王延桂率練勇三百名馳抵程孟村禦之賊聞風遁去肥鄉於十一月二十九日遣兵防堵河頭堡團勇未到賊至接戰傷亡甚衆前曲周令余承恩自安兒寨追剿至肥邑請援兵文生楊璋武生武士仁領團勇四百餘人會余兵合剿追至永年縣長橋集大戰破之十二月十七日賊復至下堡寺十八日

掠肥鄉縣東北境距城十里縣令楊毓柟教諭趙文濂遣團勇追剿賊聞風遁入永年縣牛家堡等村距肥鄉城二十里十九日復出隊追剿賊已竄至邯鄲境團勇追至辛安鎮不及而還是日擾邯鄲東北二鄉據蘇曹等村二十日賊自邯鄲返撲肥之西南鄉復遣勇至天台山防堵二十一日余承恩自邯鄲追賊至肥鄉西韓村接戰敗之賊東竄遇天台山防勇不敢接戰南奔成安縣境二十三日肥鄉令楊毓柟與余承恩合兵追剿於成安承恩在成安西關與賊接仗破之賊北走楊毓柟截殺於西韓村賊聞之潛

遁入邯鄲蘇曹村二十五日入城劫獄焚掠殺戮團

長死之

磁州學官戴襄清禦寇記同治元年十月間降匪張錫珠等叛逃糾合崔興支文炳諸巨

賊肆行劫掠日益鴟張徒黨蔓延漸逼磁境時州城半圯戰守無備人心惶懼不知所為會安州高牧錫康來攝州篆乃集境內官紳士民勸捐練勇增製銃礮弓刀以為戰具浚濠築壘戶抽一丁俾各備衣糧兵仗以為守具人心由是始定十九日聞邯鄲城陷高牧遂率眾登陴列隊分防嚴定法令督以僚吏約束既明遂統兵勇鄉團出境迎剿追至肥鄉縣地方與賊接仗殺獲多名該匪敗逃竄繞河南臨漳縣界距州城僅十餘里城上戈槌比櫛林立夜則束薪為炬密若繁星賊望而北竄爰會合東北鄉五約民團數萬眾與賊大戰於西韓村再戰於邊董商城等村斬獲無算賊始敗北既而窮追為賊反噬各村死事者二百餘人後皆請旌入昭忠祠賊亦自是遠竄是役也高牧總持全局內守外攻殫盡心力守備王九如干總吳英傑會同帶領兵勇防禦截剿署學正王雲臺吏目張熙載帶隊嚴防晝夜巡緝拔貢王鶴

鳴附生范大琛等總理團練操防堵禦始終不懈附生張仲春等總辦鄉團勇於戰鬪武生岳占瀛楊礪溪教演技勇竭力巡防蓋皆著有勞績而帷幄運籌決疑定策則訓導張現候選府經歷趙定勳之力居多焉

二年正月賊距曲周香城固大名兵剿賊被圍肥鄉團

勇擊走之

肥鄉志

肥鄉練勇調赴威縣防堵正月十四日大名鎮寧都司率兵勇七百人剿賊香城固為賊所圍自卯至酉勢甚危急肥鄉楊外委帶團勇往援鎗礮未放賊見驚曰肥鄉藍頭至矣皆潰走重圍立解

同上

二月十七日東匪陷邯鄲縣衙署市肆俱成灰燼十七

日擾西南各鄉二十日又據蘇曹焚戮尤甚邯鄲志

五月宋景詩叛率其黨楊蓬嶺據岡家屯忠親王僧格

林沁破之八月竄擾永年雞澤成安肥鄉邯鄲等縣總

督劉長佑遣兵追擊之肥鄉志

宋逆自柳林圍敗後奔竄總督劉公長佑遣余承恩

楊毓楫由肥鄉廣平堵截賊於八月十八日至成安

是晚掠肥鄉荆科杜堂堡西韓等村十九日掠相公

莊唐家疇宋逆駐邯鄲之李林堡不殺人不放火向

村民索飯搶馬二十日五更聞追兵至由辛安鎮奔

入永年之閻村沿滏河至府南橋東橋截逃難之車

而掠其馬北入雞澤抵鉅鹿鄉團拒之復東渡運河

僧王嚴飭祝道台壘恒提督蘇都統急追賊復南竄

至漳河渡草橋焚之九月初五日掠成安漳河店百

子營大隄西村復由天台山康家堡辛安鎮東北去

是夜據肥邑潘家寨永年清涼寺牛家堡等村次日

官軍追之賊分二股一回竄邯鄲之蘇曹官軍追及

接仗自柳莊追殺至黃梁夢祠斬獲三四百人餘賊

東北遁其分竄西南者追至邯鄲之崔集村村中練

勇聞賊敗持械迎戰官兵自後蹙之殺戮殆盡一股

由永年之曲陌楊莊向曲周奔竄同上

十一月二十九日教匪攻廣平縣前任外委張敬戰死
知縣楊汝為遁採訪冊

二十八日教匪由山東竄廣平縣東鄉次日逼城張敬帶團勇百人從知縣楊汝為迎戰於西關外殺賊數十名大隊至知勢不敵令兵勇逃命已則下馬負屋隅與賊格鬪自辰至申氣力不稍衰賊從屋上以磚瓦擲之體無完膚遂遇害汝為因乘隙而遁

三年正月匪黨楊蓬嶺之姪綽號小楊據曲周下堡寺倡亂清河志招聚匪黨不踰旬眾至萬人屢掠清河均被團勇擊

敗同上

六年春鹽梟王五蕭羊等掠曲周威縣清河等縣

梟逆多騎剽疾奔突官兵莫能追及南北竄擾一歲數次清河團勇聯絡一氣故屢至其境而不能為害

同上

夏永年人孫致祥與馬鏡等謀逆事覺就擒伏法永年志

致祥等謀劫練局戕官南街練長郭信致祥之舅也到局具首致祥得信先逸至山西被獲伏誅同上

七年正月捻匪張總愚竄入直隸磁州界副都統春知州玉簡擊却之賊由臨漳縣渡漳河經磁州東鄉邯

鄆永年長驅北犯郡城官紳登陴固守

永年志參
磁州志

上年十二月擒匪至河南安陽一帶磁州知州玉簡稟請大兵至磁防堵聞警都統率兵迎頭截擊玉簡督鄉團接應至安陽之日寺村遇賊連日接戰殺斃悍賊多名救出難民無數匪眾不得搶渡漳水本年正月初二日匪眾猝由河南臨漳縣渡漳河闌入直境擾及磁州東鄉漳裏等村邯鄲城東百數十村永年城西南北三鄉皆被蹂躪距郡城八里夜半賊撲郡城北門開礮擊之乃退二月二十九日賊由北路敗還馳至郡城西關有馬賊數人執小旗向西招颺

蓋邀後路之賊也城上開礮連擊之賊乃退擾邯鄲三十日至磁州玉簡帶隊追剿賊知有備仍由臨漳

竄入河南永邑西宋固村素尚義烈精技勇士匪至
屢却之是年正月擒匪北竄該村團勇復
奮勇與戰殺賊二三百人賊少退頃之大隊圍
攻破其砦眾仍巷戰自申至酉始敗傷亡殆盡

重修廣平府志卷三十三

前事略 災異

周

趙成侯二年六月雨雪 史記趙世家

趙惠文王十八年大潦漳水出

二十二年大疫

二十七年河水出大潦

趙孝成王十二年邯鄲廕燒 徐廣曰廕廐之名索隱廕積芻藁之處為火所燒也

案舊志列趙孝成王二年六月邯鄲雨雪考史鑑諸

書均無此文蓋因成侯二年事誤為成王也今刪

趙幽繆王六年大饑俱同上

漢

高后元年夏五月趙王宮叢臺災

師古曰在邯鄲城中前漢書本紀

景帝三年二月邯鄲狗與彘交

是時趙王遂悖亂與吳楚謀逆遣使匈奴求助

兵前漢書五行志

武帝太始四年秋七月趙有蛇從郭外入邑與邑中蛇

羣鬪孝文廟下邑中蛇死前漢書本紀

元帝永光五年河決清河靈鳴犢口資治通鑑

案鳴犢口在今山東高唐州南境不在今清河縣界

考漢書地理志鳴犢河東北至滹入屯氏河是此河

汎溢為災清河必受其患也故仍舊志存之

成帝鴻嘉四年秋勃海清河河溢

資治通鑑云灌縣邑三十一敗官亭民舍

四萬餘所被災者振貸之前漢書本紀

新莽始建國三年舊志作二年誤河決魏郡汎清河以東數郡

資治通鑑

天鳳二年邯鄲以北大雨水出深者數丈流殺數千人

同上

光武帝建武二十九年舊志誤作永和四年清河郡蝗古今注

和帝永元舊志作永興誤七年秋七月易陽文獻通考曰趙國易陽地裂

後漢書五行志本紀注易陽為今易州誤辨見通鑑胡三省注

桓帝永壽元年饑人相食

舊志案通鑑作冀州饑是時廣平屬冀州故存之

案舊志秦始皇三十六年斥邱隕石考史記秦本紀有墜星下東郡至地為石資治通鑑亦云隕石於東郡東郡本魏地今大名府開州非廣平境舊志又列漢元光五年七月大風拔木始元二年秋七月廣平大雨至冬十月止元鳳二年夏斥邱大雨水深數丈永壽元年斥邱大饑人相食熹平六年夏廣平大旱蝗初平四年冬十月廣平地震查前後漢書五行志本紀資治通鑑文獻通考諸書其年雖有此災異並未見有廣平斥邱之交通鑑始元二年秋七月大雨至

十月止下文有渭橋絕三字渭橋在今陝西咸陽境熹平六年夏大旱七州蝗七州未詳其名安見有廣平郡乎獻帝本紀初平四年冬十月辛丑京師地震明言京師決非廣平舊志又云永和二年二月彗星見亦未注所躔之次俱從刪不敢沿襲

魏

明帝景初元年九月霖雨大水

舊志案通鑑作冀充徐豫四州大水三國志

晉書五行志俱同當時郡屬冀州故存之

晉

武帝泰始五年五月辛卯朔廣平大風折木

晉書五行志

咸甯五年六月庚戌廣平雨雹景辰又雨雹隕霜傷秋

麥千三百餘頃壞屋百二十通考作三十餘間晉書五行志

成帝咸和八年文獻通考作石勒末年十六國春秋作石勒八年星隕於肥鄉

一晉書五行志初赤色黃雲如幕長數十丈交錯如雷震聲

墜地氣熱如火塵起連天時有耕者往視之土猶然沸

見一石方丈餘青色而輕擊之聲如磬十六國春秋

石勒時雹起西河界晉書作介山大如雞子平地三尺跨下

丈餘歷趙郡廣平鉅鹿千餘里樹木摧折禾稼蕩然文獻

通考案舊志此條列咸和五年不知何所依據且與前條

均列在咸甯之前查咸甯至咸和中隔五代相去甚

遠又舊志云元康八年九月斥邳大水咸甯四年七

月廣平大水傷禾查晉書通考等書均無確據刪之

北齊

文宣帝天保八年舊志作七年今從本紀司州廣平清河二郡蝨

澇損田詔免租九年秋七月以春夏少雨苗稼薄者免

今年租賦北齊書本紀案隋書五行志是年河北六州蝗

武成帝太甯元年三月戊子詔給滄趙等州及司州之

清河遭水潦之處貧下戶粟各有差同上

高齊末鄴城西滏山石鼓鳴未幾鄴城有兵而齊滅太平

重修廣平府志 卷三十三 前事略 災異

寰宇記

隋

文帝開皇七年

隋書五行志文獻通考並作十七年

五月己卯雨石於武

安滏陽間十餘里

隋書本紀五行志通考皆無里字

案舊志周大象七年雨石自滏陽至成安十里考後

周大象僅二年並無七年又隋誤為周武安誤為成

安不知依據何書舛謬若此

八年八月河北諸州饑遣吏部尚書蘇威振恤之

北史

仁壽二年大水

舊志案隋書五行志及本紀俱云河北諸州大水郡境當在其內舊志注磁

州殊屬臆斷遣尚書楊達振恤之

北史

煬帝大業中

舊志作三年

滏陽石鼓頻歲鳴

其後天下大亂兵戎並起隋

書五行志

案舊志列開皇五年秋雞澤大水考隋書五行志無

此文文帝本紀言是年河南諸州大水雞澤在河北

非河南境不錄

唐

太宗貞觀三年貝州水

新唐書五行志

中宗神龍元年六月大水

文獻通考舊志作七月滏陽大水案唐書河北十七州

大水不獨滏陽也舊志臆斷

二年滏陽旱

舊志案文獻通考神龍二年冬不雨至明年五月河南河北旱饑滏陽在河北故

前事略 災異

存之神龍無三年今改正

元宗開元三年夏雞澤滏陽大蝗舊志案文獻通考是年七月河南河北

十五年大水害稼河北尤甚新唐書

二十五年貝州蝗有白鳥數萬羣飛食之一夕而盡舊唐書

書五禾稼不傷新唐書

德宗建中元年洛州大水舊志案文獻通考是年魏博等處大雨是時州屬

貞元元年磁州大饑斗米千錢死者相枕舊志案新

饑斗米千錢死者相枕

憲宗元和十二年六月河北大水洛邢尤甚平地二丈

新唐書五行志舊志作洛州大水平地三尺

文宗太和九年春饑河北尤甚同上

案舊志列貞觀二十三年秋雞澤地震恩州火燬倉

廩甲仗民居考通鑑通考唐書是年八月河東地震

晉州尤甚河東晉州在今山西距雞澤甚遠恩州唐

屬嶺南道尤與郡境無涉舊志又云開元四年雞澤

大蝗考唐書五行志是年五月山東螟蝗害稼舊志

又云大歷六年成安大旱斗米千錢案通考是年春

旱至於八月無成安字樣並刪之

宋

太祖建隆三年七月磁洛二州蝻生宋史五行志

開寶二年洛州水害秋苗八月磁州蝗同上

八年五月磁州風雹害桑麥文獻通考

太宗太平興國二年六月磁州青黑蟲羣飛食桑夜出

晝隱食葉殆盡宋史五行志

端拱元年七月磁州漳滏二水漲同上

淳化三年七月貝州蝗俄抱草自死文獻通考

仁宗天聖五年五月磁州蟲食桑七月洛州蝗宋史五行志

皇祐三年恩州旱同上

英宗治平元年洛磁等州旱同上

神宗熙甯元年河溢恩州烏欄隄宋史河渠志漂溺民居宋史

五行志

十年洛州漳河注城大雨水二丈同上

元豐七年八月洛磁諸州河水汎溢壞城郭軍營舊志誤為

四年是年磁州諸縣鎮夏秋漳滏河水汎溢同上壞洛州

廬舍蠲其稅續通考

哲宗紹聖元年冬漳河溢浸洛磁二州宋史本紀

徽宗宣和三年清河縣志十一月河決清河埽宋史河渠志

案舊志列建隆元年大雨漳河決雞澤平地水深二

丈又列建隆年漳水決注洛州城水深二丈乾德二

重修廣平府志 卷三十三 前事略 災異 七

年清河溢害民田磁州蝗開寶四年清河溢漂溺民
 田舍興國七年清河水大漲天禧年洺州蝗明道三
 年磁州雨赤雪慶歷三年十二月成安雞澤雨赤雪
 嘉祐元年六月磁州大水乾祐四年磁州地震治平
 年間漳河決水注洺州城溺民居治平二年雞澤大
 水漳河決溺民居徽宗重和二年河決清河埽浸洺
 州諸條今考宋史本紀各志通考通鑑諸書或無此
 文或與郡境無涉如乾德開寶興國等年清河溢乃
 徐州之清河山東之清河也慶歷
 三年天雄軍德博州雨赤雪非雞澤
 成安乾德二年相州蠶食桑非磁州概從闕疑附識
 以俟考

金

章宗明昌六年舊志作二年誤六月漳河隄決詔速塞之金史
 河渠

志 案漳水經流甚遠昔年泛濫
 郡境受害尤多故仍舊志存之

元

世祖中統四年八月洺磁等州旱元史五
 行志免洺磁今年

田租十之六元史
 本紀

至元元年洺磁大水同

三年洺磁蝗同

六年十月廣平路旱免租賦同

八年六月洺磁等州蝗元史五
 行志

九年洛磁等州霖雨河水並溢圯田廬害稼同

十四年十二月永年縣水免田租元史本紀

十七年正月磁州永年縣水給鈔貸之同上

十八年舊志誤作至正秋廣平蝗人相食元史五行志

二十二年五月庚寅廣平蠶災戊戌廣平旱元史本紀

二十三年五月廣平等路蠶災同上

二十六年七月廣平蝗同上

二十八年八月清河縣霖雨害稼同上

成宗大德元年六月以糧賑廣平路饑民同上

五年四月廣平蟲食桑七月廣平路蝗元史五行志

六年六月廣平路大水

武宗至大元年五月廣平郡蟲食桑

二年四月廣平蝗七月磁州威州滏陽蝗

三年夏廣平亢旱

四年七月廣平路霖雨害稼

仁宗延祐五年七月廣平大旱

泰定帝泰定元年六月廣平蝗七月廣平等郡大雨水

五十餘日舊志是年洛水溢清河廣平永年饑

三年七月廣平路蝗俱同上

四年三月廣平路屬縣饑賑鈔續通考

致和元年二月廣平旱元史五行志五月廣平諸路屬縣大

雨雹元史本紀

文宗天歷二年夏廣平旱元史五行志

至順元年五月廣平路蝗饑以河間鹽課鈔萬三千錠

賑之七月廣平路之肥鄉大雨風雹傷稼元史本紀七月滏

陽等縣旱元史五行志

案元史五行志天歷三年五月廣平蝗七月肥鄉縣

風雹害稼考本紀通鑑天歷三年五月戊午改爲至

順元年今遵本紀編列

順帝至正二年廣平磁威州饑賑鈔五萬錠元史本紀

十七年六月暑雨漳河溢廣平郡邑皆水肥鄉尤甚元史五行志

案舊志列至元五年恩州大水大德七年恩州霖雨

爲災至治二年恩州水至正二十四年平陰河決達

清河考元恩州在今山東恩縣境元平陰縣在今山

東泰安府境均非郡境所轄之地又云至元十九年

清河蝗飛蔽天自西北來禾稼俱盡考元史乃淮安

之清河非廣郡所轄之縣又云致和二年夏六月漳

水決自臨漳入成安境內天歷十七年漳河溢肥鄉

大水考通鑑本紀致和一年而改元天順安得有二

年天曆二年而改元至順安得有十七年又云元統

二年廣平天雨毛如線而色綠至正十九年雞澤飛

蝗蔽路人馬不能行考元史至元三年彰德天雨毛

如線而色綠不知舊志何以列為元統二年彰德何

以混入廣平順帝本紀至正十九年山東河東河南

關中等處飛蝗蔽路人馬不能行不知舊志何以列

入雞澤今並刪之案災異自戰國至元代舊志失載據史鑑各書增輯者二十三條

明

太祖洪武十一年夏成安旱減免稅糧成安舊志

十八年雞澤成安大水舊志

成祖永樂十三年六月滄漳二水溢漂磁州民舍明史五行

志河渠志作漂沒田稼

仁宗洪熙元年六月滄漳二河並溢明史河渠志

英宗正統元年夏滄漳溢並溢同上五月成安蝗成安舊志

三年廣平漳水決明史五行志

五年夏廣平蝗

六年夏廣平蝗

七年五月廣平蝗

代宗景泰元年廣平饑二年又饑

五年三月畿南五府有蟲食桑春蠶不育俱同上

景泰間溢水合漳衝曲周諸縣

明史河渠志

英宗天順三年四月廣平連日烈風麥苗盡敗

明史五行志

以上十一條舊志無增輯

八年五月成安大風雹拔木

成安舊志

憲宗成化十四年肥鄉大水御河決汎清河

舊志案清河舊志

衛河決在十六年

十六年威縣清河大水居民房舍陷溺幾盡

舊志

十八年漳水入肥鄉城

同上

二十年磁州大饑

州舊志

孝宗宏治二年夏成安大水

舊志

四年廣平大水曲周尤甚

曲周舊志

六年正月有大星隕磁州光芒燭地冬大雪深丈餘威

縣清河蝗禾稼盡傷

舊志參縣志

十四年漳水溢陷肥鄉城注廣平東流入館陶縣

十五年秋九月地震廣平縣尤甚

十八年大水漳河決注肥鄉城

武宗正德二年十二月夜廣平屬縣大雪墜戶塞衢行

者不通

俱同上

六年滏洛河溢浸郡城壞田稼

永年舊志

七年漳水決入肥鄉城

肥鄉郭郭修寺記

八年邯鄲志夏雞澤邯鄲成安黑眚逼人老幼鳴金乃

止九年廣平縣雨雹舊志參縣志

十五年四月成安雨雹成安舊志七月十九日威縣雨雹大

如雞卵傷禾稼威縣舊志

世宗嘉靖元年清河雨雹清河舊志

二年春黑風晝晦列炬無光踰時乃止舊志夏四月成安

旱隕霜殺草成安舊志

三年威縣清河春夏旱秋復蝗舊志

五年三月成安大饑十月天鼓鳴舊志參縣志

六年夏威縣大旱縣舊志

七年夏五月成安大旱縣志磁州大饑州志

八年正月朔成安風霾晝晦縣志夏邯鄲磁州蝗大饑六

月威縣大水公廨民居淹沒殆盡舊志參縣志

九年四月成安大饑夏洺滏二河溢潰隄傷禾稼御河

自白廟口決汎清河漂沒廬舍同上

十二年秋肥鄉漳水漲續通考

十四年四月十二日曲周雨雹傷麥清河饑縣志以上二條增

輯

十五年夏大雨壞廬舍傷禾稼十月成安地震舊志參縣志

十六年雞澤成安霪雨縣志

十七年夏四月成安饑衛河決汎清河縣志

十八年二月乙丑趙州及臨洛鎮行宮俱火丁卯駕幸

磁州行宮四更火明史本紀

二十年雞澤成安廣平飛蝗蔽天食禾殆盡舊志

二十一年春大饑廣平縣志

二十三年衛河決汎清河視十七年尤甚舊志

二十五年秋威縣蝗縣志

二十六年五月威縣地震同肥鄉水入城舊志

二十九年威縣旱自去年秋不雨至於六月清河縣志作正月不雨至五月肥鄉旱

縣志蝗

三十二年春成安大饑十月曲周成安威縣磁州大水

民饑發粟賑之舊志參縣志

三十三年廣平邯鄲大饑人相食磁州大疫舊志

三十四年十二月地震如雷同上成安縣志作五月曲周志云夏地一日三震

如雷十一月十二日地震

三十五年五月成安地震一日三次文廟櫺星門外洪

鐘自鳴

三十八年磁州星隕如雨

三十九年曲周雞澤成安清河旱蝗民大饑俱同上

四十一年春正月成安地震縣志夏四月清河大風三日

塵霾蔽天御河決汎清河舊志

四十二年邯鄲雞澤大水成安地震水潰城東門

四十三年七月曲周大水潰城

穆宗隆慶二年秋曲周邯鄲大水沁河溢沒廬舍俱同上

三年肥鄉舊志漳水決鄆米隄浸肥鄉城六月御河決作元年

泛清河壞田廬城不沒者三版成安磁州亦大水舊志參縣

十一月以水災免廣平屯衛糧有差續通考

四年春正月成安地震縣志是歲以水災免廣平秋糧有

差續通考

五年閏六月雞澤大水潰隄冬清河雨水著物墳起樹

皮迸裂舊志參縣志

神宗萬曆四年七月雞澤雨雹大如杵成安大水五年

又大水同上

七年漳水決廣平縣東南分為四支縣志

九年春夏清河旱成安譙樓鐘自鳴舊志參縣志十一月賑

廣平災免稅糧明史

十年成安大疫縣志

十三年春肥鄉廣平清河大旱五月肥鄉雨紅沙舊志參縣志

十四年夏旱大風麥槁雞澤吳官營地裂闊二丈長四十步同上

十五年肥鄉雞澤成安大旱黑風晝晦民多疫餓殍載道威縣螟螣害稼同上

十六年雞澤成安疫廣平旱民大饑同上

十八年春夏肥鄉雞澤旱縣志

十九年夏廣平蝗明史五行志 增輯

二十年夏秋真順廣大四府水同上漳水決入成安故道

雞澤水潰隄御河決汎清河漂沒田廬直抵清河城下

由古黃河流去舊志

二十一年成安大水二十二年肥鄉大水二十三年漳

水決入成安呂彪故道縣志

二十五年四月永年成安雨雹縣志

二十六年夏成安旱縣志

二十七年大風晝晦星隕有聲如雷舊志秋威縣蝗傷禾

縣志

二十八年漳水決成安王林隄舊志威縣蝻生縣志

三十年成安譙樓鐘自鳴漳水決竇公隄舊志

三十一年五月永年成安肥鄉漳溢河並溢決隄橫流

明史五行志

三十二年九月賑畿南六府饑續通考

三十三年三月成安雨雹積厚尺許漳河決清河蝗舊志

參縣志

三十四年三月廣平災蠲賑有差續通考

三十五年六月磁州大水漂溺人畜無數秋成安大蝗

舊志參縣志

三十七年永年大水滏河決磁州大旱舊志案滏河自磁州發源永

年大水磁州似不應大旱或者不在一時也州縣志均無月日始識之以俟考

三十八年春肥鄉大水縣志

三十九年秋肥鄉飛蝗害稼七月十四日漳河漲淹沒

肥鄉張達常家莊等百十村成安亦大水舊志參縣志

四十一年三月晦日大雨雹積地三寸六月漳河決磁

州肥鄉成安大水清河霪雨為災十月磁州地震同上

四十二年永年地震春成安饑五月清河風雷拔木同上

四十三年春夏不雨雞澤志云自去冬十月不雨至夏六月永年劉營村

地裂濶五丈深無底舊志

四十四年成安春夏旱賑饑雞澤冬無冰縣志案舊志是年地震

查各縣志無削之

四十五年永年蝗清河饑冬雞澤桃李華縣志

四十六年曲周雨雹大如杵縣志是年畿南四府蝗明史五行志

志

四十七年二月永年大風霾日無光九月黑風晝晦天

鼓鳴十月縣志作七月曲周地震舊志

四十八年三月肥鄉志作二月初三日大風霾白晝如夜永年見

兩頭兒同上

熹宗天啟元年三月十三日肥鄉黑風晝暝十八日雨

黃沙縣志

二年正月清河地震二月屬縣皆地震肥鄉城樓墮雉

堞崩五月霪雨六月漳水決隄注肥鄉城漂溺七百餘

人舊志參縣志

三年六月漳水溢決成安城南隄

四年四月雞澤雨雹秋成安大水縣志

五年六月漳水漂沒肥鄉辛安鎮等村禾稼蕩然舊志參縣志

六年春屬縣旱蝗六月地震邯鄲志作八月閏六月大雨漳溢

沙洛四水並漲汎濫潰隄漂沒永年稻田七百餘頃同上

七年永年蝗曲周地震縣志

莊烈帝崇禎元年正月癸亥永年縣晝晦咫尺不辨人

物明史五行志皆云大風雨土白晝如夜六月六日肥鄉雨雹縣志

三年五月二十三日永年肥鄉邯鄲雞澤大雨雹六月

大風拔木威縣覺宮鐵鼎自鳴舊志參縣志案雞澤

當是三年事誤列二年也

四年七月成安城外有火光大如斗環走者數夕十二月威縣大雪三日夜平地丈餘

六年十二月除夕永年肥鄉大風雷電

七年秋肥鄉成安烈風雨雹大如椀擊斃行人十二月除夕曲周雷震

九年夏曲周大雨潰隄浸城十月雞澤榆錢滿樹桃李華十年成安大寒并凍

十一年夏六月蝗飛蔽天積地厚尺許曲周水中有異獸狀如猴

十二年正月元旦鳴雷夏旱大蝗草盡集於樹樹爲之

枯永年北汪村地裂

十三年大旱饑人相食肥鄉成安磁州大疫十二月磁州雷震

十四年夏大旱饑秋漳水決注成安毀鬻宮俱同上

十五年五月廣平諸縣怪風麥禾俱傷明史五行志是年春

夏大旱秋霖雨石生毛肥鄉縣署前石獅毛尤多曲周城外有黑氣如連城三日乃散舊志參縣志

十六年二月邯鄲大風揚沙永年曲周肥鄉黑氣繞城兵刃有光同上

十七年正月元旦風霾樹有火光夏旱無麥曲周雞生

四足豕鼻端生角同上

國朝

順治元年雞澤威縣旱舊志

二年夏大旱秋大水永年志作六月大水壞雞澤城垣舊志參縣志

三年春曲周霖雨傷麥夏雞澤邯鄲大水九月雞澤蝗

成安蝗蝻食禾幾盡

五年閏四月威縣雨雹六月永年大水

六年春夏曲周旱無麥廣平蝗免田租

八年正月十四日肥鄉城外湧白氣數十丈踰城而散

九年曲周大水肥鄉漳水漲壞田舍徙流成安城下

十年御河決清河洪河等村禾稼盡沒廣平蟲食秋禾

十一年正月元旦肥鄉大雷雨水黑如墨三月雞澤風

霾夏永年雞澤肥鄉大水漳河決注成安壞城垣廬舍

肥鄉水中獲怪木有光八月永年曲周肥鄉雞澤廣平

同時地震是歲民饑賑蠲有差

十二年曲周春夏旱秋七月蝗

十三年三月肥鄉志作十二月初五日大風拔木發屋五月永年

大雨雹

十五年永年雞澤蝗饑賑之

康熙元年秋邯鄲志成安志作八月威縣霖雨十一月地震永年志作

十一月二十一日威
縣志作二十三日

二年廣平縣蝗三年四月雞澤清河風霜殺苗

四年夏廣平縣旱秋肥鄉大水壞城樓官署民舍雞澤亦大水

六年九月地震永年威縣志作九月二十三日十一月天

鼓鳴廣平縣蟲食禾

七年夏六月地震廣平清河志作六月十七日清河尤甚七月永年

大水決隄浸城冬大寒并凍雞澤邯鄲亦大水浸城壞

田廬廣平蝗肥鄉桃李再華八年秋肥鄉杏再華

九年邯鄲廣平成安大旱曲周大水

十年春成安邯鄲廣平大雨雹雞澤四月雨雹傷人永年邯鄲成安夏大旱秋大水蟲害稼

十一年五月廣平地地震蝗食禾雞生四翼四足譙樓鐘自鳴七月威縣飛蝗蔽天官祭於蜡廟蝗即離境十一月十八日雞澤天鼓鳴

十七年正月永年霪雨彌月磁州大旱

十八年七月磁州地震永年大雨水洛漳河溢壞田廬無算

二十二年六月磁州地震

二十三年永年威縣大旱蝗免田租四月磁州雨雹傷

麥秋霪雨大水俱同上

二十四年漳滏河決水浸曲周城舊志

二十八年夏永年旱蝗歲大饑縣志

三十年夏四月永年大疫同上

三十三年八月雞澤地震雞澤舊志

四十年漳水決淹沒肥鄉東南六十餘村肥鄉舊志

四十二年永年大饑四十三年春旱永年舊志

四十五年五月洛水溢同上

四十七年秋永年地屢震壞民居無算同上

四十八年五月雞澤雨雹擊斃百餘人雞澤志

五十一年滏河決曲周趙兒寨水浸城曲周志

五十七年正月曲周大雷電同上

五十九年六月初八日地震初九日雞澤雨雹大如雞

卵傷禾秋冬旱舊志參縣志

六十年春雞澤大旱七月永年雨雹曲周饑發粟賑貸

免田租縣新志

六十一年五月大風拔木威縣大旱饑蠲賑有差舊志

案雞澤舊志是年四月二日黑風彌天樹頭生火六

月大風損禾永年曲周志是歲旱饑與舊志不符

雍正元年二月天鼓鳴四月黑風作風中有火如毬曲周

志作四月七日大風 雞澤威縣旱饑賑之 舊志參縣志

糶書晦樹有火光 三年秋雞澤大水發粟賑之 舊志

八年夏大雨肥鄉漳水漲城西四十餘村田禾盡沒雞

澤沙洛水決浸城民饑永年亦大水 舊志參縣志

十年二月磁州地震

十一年清河霪雨為災磁州大水

乾隆二年七月二十五日雞澤地震雷風雨雹樹木多

折清河河決尖冢滄沒田禾發粟賑貸四年河又決尖

冢壞田禾賑貸蠲租

七年夏永年曲周肥鄉雞澤廣平成安磁州七屬大旱

無麥七月肥鄉大水

八年夏曲周雞澤威縣清河旱饑賑蠲兼施 俱同上

十三年二月朔雞澤天鼓鳴怪風作 雞澤舊志

十七年七月屬縣蝗捕滅之 同上

十八年夏旱七月六日大風拔木秋霪雨為災 同上

二十二年永年洛河決自辛村南潰東流入牛尾河 永年志

志

二十四年春夏大旱秋霪雨大水賑銀米 雞澤志

二十六年秋霪雨賑貸 同上

二十七年秋大水緩征 同上

四十一年旱饑四十二年又旱四十二年五月始得透

雨探訪册

五十四年旱饑永年志

五十七年大旱饑連歲凶荒民多餓殍永年志參邯鄲志

五十八年七月肥鄉大水傷禾稼肥鄉志

五十九年春夏旱六月大雨邯鄲沁河漲決隄水注城

下永年洛水決西隄溢水決南隄水盈四郭壞廬舍浸

城垣清河河決大饑磁州七月大水漳溢並溢城不沒

者三版城外水中有獸鬪首如牛縣志參州志

嘉慶二年夏永年霪雨永年志

六年夏六月大雷雨洛水溢秋七月地震如雷永年志肥

鄉秋禾被水災肥鄉志

八年春三月永年大雨雹永年志九年磁州旱緩征房册

十一年旱饑永年志

十三年夏六月永年雷雨大風拔木

十六年春夏旱俱同上肥鄉廣平蚘蚋生傷秋禾肥鄉志兼探訪

十七年正月永年風霾蔽日二日乃止春夏旱永年志肥

鄉廣平秋禾旱傷肥鄉志兼探訪雞澤大旱民饑雞澤志

十八年永年曲周肥鄉雞澤邯鄲清河春夏大旱秋大

水無禾民大饑賑貸免租縣新志

十九年春大旱秋永年肥鄉大疫同上

二十二年秋旱傷禾永年志

二十三年夏四月隕霜傷麥同上

二十四年秋七月永年地震同上冬曲周清河大雪深四

尺清河志參曲周志

道光元年夏秋大疫肥鄉雞澤邯鄲志同清河河決清河志

二年夏五月大雨洩溢水溢永年志

三年邯鄲三月隕霜四月雨雹城東南被災者五十餘村四月雞澤

河決傷麥秋永年大雨洩水溢清河河決平地水深丈

餘縣新志

四年夏叢臺災秋八月雨雹邯鄲新志

五年四月雞澤地震六月永年雨雹八月蝗傷麥苗肥

鄉秋禾被旱邯鄲七月雨雹大如卵傷禾稼十月蝗自

北來食麥苗殆盡縣新志

六年春永年旱二月二十九日黑風晝晦三月二十二

日復風霾肥鄉邯鄲亦大風晝晦五月肥鄉大水同上

八年雞澤地震雞澤新志

九年四月廣平地震探訪冊

十年閏四月二十二日雞澤新志作五月屬縣同時地震邯鄲

磁州尤甚邯鄲井湧黑水磁州地裂長數十丈湧出黃黑沙土井水漫溢

漳滏兩河涸官署民居傾圮殆盡斃人畜甚多
發帑賑濟災民永年洺水溢清
河河決縣新志

十一年春夏旱冬大雪井凍樹裂

十二年邯鄲春夏旱秋霖雨永年五月雨雹

十三年三月肥鄉黑風晝晦

十四年五月永年地震六月大雨洺水溢決西隄水浸

城垣壞民廬無算清河御河決俱同上

十五年旱饑永年新志

十六年大旱十七年又旱十八年復旱民大饑邯鄲志 雞澤志

同永年志十七年大旱

十九年春雞澤蝗疫大作雞澤新志

二十年夏邯鄲旱無麥秋七月乙未地震邯鄲新志

二十二年春夏旱冬十一月邯鄲地震永年志 邯鄲志 參

二十五年大旱民饑縣新志

二十六年夏無麥肥鄉邯鄲雨雹肥鄉秋旱蟲災同上

二十七年大旱饑八月曲周霖雨損禾同上

二十八年邯鄲廣平旱饑雞澤蝗縣新志 兼採訪冊

二十九年春二月永年地震永年新志

咸豐元年七月永年雨雹傷禾折木同上

二年正月二十日永年地震二十二日曲周清河風霾

蔽日縣新志

三年正月二十日永年天赤雨土雞澤大水縣新志

五年五月邯鄲大風拔樹發屋邯鄲新志

六年二月雞澤雨土七月永年肥鄉蝗縣新志

七年四月肥鄉邯鄲大雨雹七月永年曲周肥鄉雞澤

邯鄲飛蝗遍野大饑發粟賑恤冬郡城西關設粥廠自

二月起至八年四月止縣志兼採訪冊

九年春旱夏五月蟲傷棉花十之七秋無禾饑

十年夏曲周雨雹傷禾冬肥鄉大雪樹多凍裂

十一年春永年蝶飛蔽天三日四月肥鄉大風城上刀

矛夜有火光

同治元年夏旱永年肥鄉蝗蝻生清河大疫

二年夏六月朔永年城北曲陌寨義勇局災是夜有火

來火藥焚聲如雷八月二十九日肥鄉城上大礮放光毬自西南

三年冬肥鄉大雪至四年二月始止雞澤雌雞化為雄

四年正月十三日永年曲周肥鄉清河大雪震雷夏大

旱無禾七月雞澤蝗俱同上

六年永年春夏大旱緩征房冊

七年七月清河溫良社隄決口傷禾稼緩征縣志兼採訪冊

八年秋大旱民饑賑恤永年肥鄉廣平邯鄲成安等縣

磁州曲周雞澤蠲緩秋征

九年春夏旱六月三十日永年大風雨雹損禾折樹秋

七月運河決汎清河傷禾稼緩征是時臨清州隄決口

十年八月霖雨七日邯鄲清河皆大水梨杏秋再華

十三年三月二十一日永年雨雹二十三日夜考棚街

火延燒席棚百餘間傷三人

光緒二年五月旱雞澤王東保宅梁間水流如注六月

大雨洛河溢浸西隄俱同上

三年旱饑山西大旱延及郡境米價昂貴郡城設局平糶曲周雞澤廣

平成安邯鄲亦各設局平糶磁州請發漕米賑撫清河

以工代賑房册

四年三月二十八日風霾晝晦清河旱縣志兼採訪册

六年五月初十日永年雨雹折木十月初三日永年雞

澤地震初七日又震

八年九月清河地震雞澤大水

九年二月初八日廣平地震五月初四日雞澤地震七

月大雨洛溢並漲淹永年西北東三鄉一百六十餘村

二十三日溢水決蓮花口水注城郭出入乘筏次年乃涸八月初

六日清河縣運河決油坊鎮漂沒田廬十四日尖冢姜

家村温良社三處河復決泛濫為患緩征減免有差

十一年七月初三日滏河決永年蓮花口水浸城郭毀

關廂廬舍較九年尤甚

十三年秋雞澤大水俱同上

十五年六月朔大風寒如冬合秋雞澤大水緩征探訪册

十六年夏運河決臨清州境清河被水成災請款賑恤房册

十七年秋永年蝗探訪册

十八年三月十二日大風晝晦二十三日又風霾夏永

年蝻生蘆灘肥鄉東鄉蝻生捕滅之同運河決夏津臨清境

清河被水成災請款賑濟房册

十九年五月十一日曲周東鄉雨雹十七日西鄉雨雹

大如椀傷禾稼六月雞澤邯鄲大水傷禾緩征永年滏

河決鐵鍋口李家莊北岸探訪册

河大險隘口李參政井峯
 大嶽嶽書禾新六月賊騎捕輝大水奇禾雞亞禾平

